



सानसेयारि **“बड’सा”** खरीरालाइयाव  
समानयारि जिउजो लोख्वा थानाय रायथाय, बरन्थाय,  
सल, सलबाथा आरो दावबायारि थावनि, पार्क  
बाइदिबि स्यायाव लिन्नाय लिन्बिबां बैथाय ठर!  
सानसेयारि **“बड’सा”** खरीरालाइया सेबरानाबै  
फोक्सवगोन।  
बड’सायाव लिन्ठरनायनि दुबा खालाम,  
**“बड’सा”** खरी नोथो, जो बयबो आंगो खालाम।  
सानसेयारि बड’सा मावखुलि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 22 August, 2024 Kokrajhar, BTC, Assam ★ Vol.- 34, Issue No.147 R.N.I.Regd.No.40994/91, Assam Govt. Regd.No.IPRD.40/2006/3, ★ Rs. 8/-

## एससि आरो एसटि मैखोम गामिखौ ट्राइबेल बेल्ट आरो ब्लक महरै फोसावगोन: गिबि मन्थि

गुवाहाटी, 21 आगस्ट: सनाल मान सिंहनो 2023 बोसोरनि शंकरदेव बान्था गथायगोन, 250 बोसोर गोजाम हारिमुवारि थावनिफोरखौ जारिमिनारि थावनि महरै सान्ना लानाय जागोन। जारिमिनारि थावनिफोरनि 5 किल 'मितार सिडव थानाय सुबुंफोरसो बे जायगानि हाखौ बायनो हागोन। नाथाय बेनि थाखाय बे थिखानाय जायगानि सिडव मोनथाम जोलैया ज थैनो



(□ 5 बिलाइआव)

## थार बोसोन, थुलुंगानाय आरो रोखा फोरमाइथाय मोनग्राया गोरलैथैनो थांखियाव जाफुंसारो: प्रमद बर'

### बड'लेन्डनि बेखार जेनाखौ सुस्रानो थाखाय बिटिआर सरकारआ राहा लाबाय

कक्राझार, 21 आगस्ट: लाइमोन समाजआ सोल्लोथाइ नाजावखानायनि उनाव फसंथाइनि गेजेरजो थांखियाव जाफुंसारो एबा बेखार जेनाखौ सुस्रानो दिने प्रमद बर' दैदेनाय बिटिसि सरकारआ बड'लेन्ड लाइमोन थिसस्थाइ मावथांखि मुनि मोनसे बिथांखिखौ

(□ 5 बिलाइआव)



## प्रबिन मुसाहारिआ रां लानायनि अजदआव हमजादों



गवालपारा, 21 आगस्ट: गवालपारनि सासे सरकारि मावफारियाआ गिबि मन्थिनि जर'खा नायबिजिस हान्जानि आखायाव हमजानो गोनां जानायनि खौरं मोन्नाय जादों। बुधबारआव सामलायनाय बे जर'खा हाबाफारियाव जेआव नांनय मावफारियाआ जाबाय गवालपारा समबाइ समिटिफोरनि हेफाजाबगिरि थिसस्थाइ मावख'नि गोजौ थाखोनि हेफाजाबगिरि

(□ 5 बिलाइआव)

## बिपिएफ आरो इउपिपिएलखौ खौसे जानो खावलायनायखौ बारग' मन्थि प्रमिला रानी ब्रह्मा बरायदों

कक्राझार, 21 आगस्ट: आसामनि गिबि मन्थि उ- हिमन्त बिश्व शर्माआ फेगो बिटिसि बिसायख'थिआव बावैसो सान सिगां बिजेपि दोलोआ हारसिनो गेलेगोन होन्ना फोसावनायनि उनावनो बड'लेन्डनि राजखान्थिआरि थासारिआ सोलायनायनि फासे सिगांदों। जरखायै हारिनि थामोन्थानि सार्थ आव ओन्सोलारि राजखान्थि दोलोफोरखौ खौसे जानायनि थाखाय दुलाराय बर' फरायसा

(□ 5 बिलाइआव)



## स्मार्ट मिटारआव बिल बांनयनि हेंथायै फोरमान होब्लानो राहा लानाय जागोन: पियुष हाजरिका

गुवाहाटी, 21 आगस्ट: स्मार्ट मिटार बाहायनायनि उनाव राइजो-राजाफोरनि गेजेराव मोब्लिब बिल बांनयनि मोनसे अजद सिखांदों। लोगोसे समाजारि बिजोआवबो बेनि सायाव गोखों सावरायनाया सोलिगासिनो दं। बेनि गेजेरावनो दिने मन्थि पियुष हाजरिकाआ बे आयदानि

(□ 5 बिलाइआव)



## बड'लेन्डनि गिबिसिन मुंख्लं सुजित नार्जारिनि गोसोखांथियाव सावराय न'ब्लां लुफुंनो लाइ खुन्थिया गायसन्दों

बाक्सा, 21 आगस्ट: बाक्सा जिल्लानि बरमा गुदि बर' थुनलाइ आफाद मावख'नि लांगोनायाव बुधबारआव बड'लेन्डनि गिबिसिन मुंख्लं सुजित नार्जारिनि गोसोखांथियाव सावराय न'ब्लां लुफुंनो थाखाय मोनसे गोथार हाबाफारिनि

(□ 5 बिलाइआव)



## राइज्योआव पन्चायत बिसायख'थिखौ डिसेम्बर दानआव खुंनो थांखि लादों

दोलोयारि नेसोन गैया लासेनो बे खेबाव राजखान्थि उदां पन्चायत बिसायख'थि खुंगोन: रन्जित दास



गुवाहाटी, 21 आगस्ट: राइज्योआव पन्चायत बिसायख'थिखौ फेगो डिसेम्बर दानआव खुंगोन। बे खेबानि पन्चायत बिसायख'थिया राजखान्थि उदां जागोन। बे खेबाव बिजाथिफोरनि जेबो रोखोमनि दोलोयारि नेसोन थानाय नहा। राइजो-राजाफोरा

नडा, बे खेबनि पन्चायतनि आफादगिरिखौ पन्चायतनि गुप सोद्रोमाफोरा सायख'गोन। पन्चायत बिसायख'थिखौ लानाने शिलचरआव बे बाभ्राखौ फोरमायदों मन्थि रन्जित दासआ। दिने शिलचर जिल्ला बिजेपि मावखुलियाव खौरंगिरि मेलाव बिथाडा बुडोदि, 31

आगस्टनि गेजेराव पन्चायत आरो 7 सेप्टेम्बरनि गेजेराव ब्लकखौ दाफामफिनाय जागोन। 2001 माइथायनि सेन्सास बायदियै दाफामफिनाय जागोन। बे हाबाफारिको मावफुनायनि उनाव डिसेम्बर दाननि गेजेराव पन्चायत बिसायखनिथिखौ खुंनय जागोन होन्ना मन्थि दासआ बुडे। लोगोसे बे खेबनि पन्चायत बिसायख'थिया राजखान्थि उदां जागोन होन्ना बिथाडा बुडे। मन्थि दासआ बुडोदि, राइज्योआव 40 लाख नंखाय रेसन कार्डखौ सरकारआ नागिरनाने दिहुन्दों। दासिम 50 लाख रेसन कार्डखौ बोखारदों

(□ 5 बिलाइआव)

## स्मार्ट मिटार फज'नानै बिजेपि सरकारआ राइज्योफोरनिफ्राय लुथिदों: गौरभ गगै

गुवाहाटी, 21 आगस्ट: दुलाराय आसामनि थागिबिफोरनि थाखाय आथिखालाव खरसानो गोनां स्मार्ट मिटारनि बेखायै बेफुसोर बिबुंथि लाखिनानै बिजेपि सरकारनि नाखेबनायनि हेंथायै जरहाट लकसभा बियाबनि कंग्रेसनि एमपि गौरभ गगैआ

(□ 5 बिलाइआव)



## धुबुरिआव साखि होनायनि मुडव लाख-लाख रां जाख्ल'दों



धुबुरि, 21 आगस्ट: धुबुरियाव थानाय मिरु जिएसटिआव साखि होनायनि मुडव जिल्लानि गोबां लाइमोनफोरखौनो रहित सरकार मुनि सासे लाइमोनआ गोबां लाख-लाख रां लानानै थगायनायनि अजदआव पुलिसनि आखायाव हमजानो गोनां जादों होन्ना खौरं मोननाय जादों। रां होनायै साखि

(□ 5 बिलाइआव)

## मोब्लिबनि जेंना, दै बाना, हा खुरखानाय बायदि जेंनाफोरखौ सुस्रानायनि दाबि दैखांदों

### बाक्सा जिल्ला आमसुआ गिबि मन्थिनिसिम गोसोखां बिलाइ गथायदों

भबानिपुर, 21 आगस्ट: दुलाराय आसाम मायनरिटि फरायसा आफाद सुंदयै आमसुनि बाक्सा जिल्ला आफादआ मैया मंगलबारखालि राइज्योआव मोब्लिबनि जेंना सोमजिनाय, दै बाना आरो हा खुरखानाय जेंनाफोरखौ सुस्रानायनि दाबि खालामनायजों लोगोसे माखासे आयदाखौ मख'नानै आसाम सरकारनि गिबि मन्थिनिसिम



सालबारि महकु मागिरि बाक्सा जिल्ला आफादनि मावखुलिनि गेजेरजों गांसे आफादगिरि आबुल रहिम आरो गोसोखालाय गथायो। आमसुनि

(□ 5 बिलाइआव)

## कक्राझारनि साइ स्टेडियामाव खुंनय 133 थि डुरान्द काप फुटबल बादायलायनायनि क्वार्टर फाइनलआ खुंफुंजाबाय

कक्राझार, 21 आगस्ट: कक्राझार सहरनि खान्थालगुरियाव थानाय साइ फोरेंथाय मिरुआव थांनय 30 जुलाईनिफ्राय जागायजेनाय एसियानि गोबामसिन फुटबल बादायलायनाय डुरान्द काप फुटबल बादायलायनायनि क्वार्टर फाइनल बादायलायनाया खुंफुंजाबाय। मख'नो गोनांदि, 133 थि डुरान्द कापनि क्वार्टर फाइनल मेचखौ दिने नर्थ इस्ट इन्डाइटेड एफसि आरो बारतआरि



रैनियानि फुटबल हान्जानि गेजेराव गेलेनाय जायो। मोननेबो हान्जानि नारा-नाथाद जुजिलायनाय दिनेनि क्वार्टर फाइनल मेचआव भारतआरि रैनिया हान्जाखौ 2-0 गलनि फारागथिजों नर्थ इस्ट इन्डाइटेड एफसिआ फेजेनाने सेमि फाइनलआव सहैनो हायो। मख'नो गोनांदि, नर्थ इस्ट इन्डाइटेड एफसिनि गेलेगिरि नेस्टआ 52 मिनिट आरो गिलेम'आआ

(□ 5 बिलाइआव)



## सुजुगिरिनि खोलोम

## गोलै राहा-लामा सायख 'नाय

थानानै थानायनि राहा-लामा दिहन्ने थाखाय मानसि मावनो हायै खामानि गैया। थानानै थानो उखेनायखो फोलोमनायाजोल 'सुबुनि गोसोयाव गोजोनाया जोबनानै थाडा। सुबुनि गोसोयाव सिमना गैयै, सान्थनो हायै मिजि, हाबिलास थायो। बेफोर मिजि आरो हाबिलासफोरखौ सुफुनो एबा मोनफुं हैनो थाखायनो सुबुफोर हामनाय हायै, मोजां- गात्रि सायख 'नाय हाना मावनो बावगारलाडे। जायनि जाउनाव उन समाव बेनि फिथाइखौ मोनजाहैनोयबो जो नुयालासेनो थायाखै। सासे आबादयारिया देहानि थैखौ गोलोमदे गसर होनानै मावनायनि फिथाइआ एसेल' जानो हागौ, नाथाय बे फिथाइनि बिदेनिखुइ गात्रि हाबा मावनानै मोनाय फिथाइआ माब्लाबाबो गोदेंसिन, बिदे बहसिन जानो हाया। आबादयारिफोर मावनानै दिहनाय माइ-माइर, फिथाय-सामथाय, मैगं-थाइगंखौनो दिने बुहुमनि सुबुफोर जानानै गोगो देहायै थानानै थानायव मदत मोनो हानाय जादो। नाथाय दिनेनि समाव ड्रगस आरो गात्रि हाबानि गेजेरजो एसेल' सम आरो देहानि खस्ट गैयालासे माखासे थाखोनि सुबुफोर गोलै राहाजो गोबां आर्जिनानयि थांखियै सुबु बेरेखा, समाज बेरेखा हाबायाव नांथाबनानै धोन बुधुमनायजो लोगोसे सुबुफोरनि ख'हा लानानै फैनारखौ नुनो मोनफलायनाय जायो। बिसोर सुबुफोरनो गुबुननि थानानै थानायनि लामाखौ आस 'खान्दा खालामनानै होफेयो आरो गावखो जेनिबो आंखाल गैयै खालामो। थानानै थानायनि लामा होसोनायाव खायफाया मोजां, खायफाया गात्रि लामाजो थानानै जिउ खुनायनि लामा लानानै समाजनि ख'हा लोबोनायखो नोजोर होनानै खुंथाया आथिखालाव होबथानायनि बाइदिसिना गोखौ राहा आजवानाय नुनो मोनाय जादो। गुबैयै ड्रगसनि हेंथायै आजवानाय गोखौ राहाफोरनि थाखायनो दासान्दि सुराडे लांखुमानाय, जगायनाय आरो फानहरनाय बादि हाबाफोरव बाडाइ जाबोनायनिबो खौरं मोनो हानाय जायो।

थानानै थानायनि हाबाया खालिबोल' आबाद मावनाय, गात्रि हाबा मावनायजोल' जानो हाया। थानानै थानायनि लामाखौ जो बाइदिसिना हाबानि गेजेरजो लानो हागौ एबा लानायनि गोनाथिखौ होनो हानासिगो। जोनि ओन्सोलाव राइजो जानाय सुबुफोरनि सानफोमबो गोनाथि जानायनि फारसे नोजोर होनानै फिसा-गिदिर मैगं-थाइगं, फिथाय-सामथायनि फारम, दाव-हांसो, अमा-बोरमानि फारम, लामा-सामायव बाइदिसिना रोखोमनि गला-दखान होनायजो लोगोसे बर' जामुं-फिथा, एनथाव, सिथाव-लारु बाइदिनि गोबाव सम दोन्थुमनानै जानो हानाय खालामनानयि राहा बानायनो हायोब्ला बेनि गेजेरजो थानानै थानायनि लामाखौ गोलै खालामनायाव मदत मोनो हागौ।

जोनि गामिनि बारि आरो खाथिनि हाप्राफोरव मोनफुनाय बाइदिसिना फिथाय-सामथायनि फुलि बानायनायनि राहाजो एफा-एन आर्जिनानयि लामा मोनो हागौ। बेफोर हाबाखौ गुबुन जायमानि सुबुफोरसो जोनि ओन्सोलनि हाथाय-बाजारफोरखौ दखल खालामफैनान नुनो मोनाय जायो एबा जोनि ओन्सोलनि फिथाय-सामथायनि फुलिखौ जोनि सुबुफोरसो गुबुनफ्राय बेसेन गोसायाव बायनगौ जानानै फैयो, बेफोर हाबाखौ गोनाथि होयैनि जाउनाव।

बेखायनो थानानै थानायनि लामाखौ सायख 'नाय गोलै राहा आरो आदोब बाहायनानै लानो हायोब्ला जोनि ओन्सोलनि जायखि-जाया रोखोमनि खामानि-दामानि एबा फालांगिनि बाजारखौ सामलायनानै गावनो माव गसथानो हानाय जागोन बेखौ फोथानो हायो।

## दिनेनि फान्जामुथि

## राशि बाइदियै मुनि गिबि हांखो

मेघ : अल वृष : ऊब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ठ (ण ष)  
तुला : त र बृश्चिक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

मेघ: जेखि जाया खामानि मावनायनि सुजुग-सुबिदा मोनो हागोन। गोसोखौ गोजोन मोनगोन। मोजां सान।

वृष: नख 'रनि रं खरसा खालामनगौआ बांगोन। थाखानाय रंआ जोबसांनो हागौ।

मिथुन: जैबो रंजा-बाजा खालामनानै समखौ हगारहनो हागोन। बे राशिनि थाखाय मोजां सान।

कर्कट: बहाबाफोर दावबायहनो मोनो हागौ। गोसोखौ गोजोन मोनगोन। मोजां सान।

सिंह: बिसि-फिसाय अनलायनाया बांगोन। नख 'रआव गोजोनाया थाबाय थागोन। मोजां सान।

कन्या: जेखि जाया फोबोनि समाव रंजा-बाजा खालामनो हागोन। गोजोनाय मोनगोन।

तुला: मानिवा थाखाय रं खरसा जानो हागौ। गोसोखौ शान्ति मोननाय नडा।

बृश्चिक: नख 'र संसारआव सुखु-गोजोन आ थाबाय थागोन। फाएफोमबो मोजां।

धनु: माबाफोर शुभ खामानि मावनो गोनां दडबा मावनो हागोन। सान्नाया जाफुंगोन।

मकर: मोजां रंग 'थिनि थाखाय मान बाउजानो मोनगोन। गोसोखौ गोजोन मोनगोन।

कुम्भ: बेफार फालांगिआव मुलाम्फा आर्जिनानै लानो हागोन। गोजोन मोनगोन। मोजां सान।

मीन: नख 'रआव गोजोनाय गैयै सोमजिनो हागौ। जेखि जाया गोसोखौ हमथाना थानाय गाहाम।

## बारग 'गिबि मन्थि सरनखौ एस्कर्ट खालामना फैनाने पुलिस गरिआ बेलथायना सासे सुबुनि जिउ खहा

सरायकेला, 21 आगस्ट: झारखान्डनि बारग 'गिबि मन्थि चाम्पाइ सरनखौ एस्कर्ट खालामना गिदिबोफिननाय पुलिस मावफारियाफोरनि गरिआ लामानि जाब्रबथायाव बेलथायो। बे जाब्रबथायाव गरियाव गाखोनाय सासे जवान बिरबान सिंआ जायगायावनो जिउ गोमायो आरो एसआइ मनज भगतजो लोगोसे सा 5 पुलिसफोरा गोब्राब जोखोम जायो। जोखोम जानायफोरखौ टिएमएचआव थिसनना फाहामथाय होनाय जायो। बे जाब्रबथायाव मंगलवार मोनायाव मुडिया मडनि साखाथियाव जादो। बारग 'गिबि मन्थिआ सानथाम दिल्लीआव



दावबायनानै गावनि न' फारसे जिदिलिगडिथि गिदिबोदोमोन। बिथांखौ एस्कर्ट खालामनो थाखाय सरायकेला पुलिस लाइनिफ्राय सासे एसआइजो लोगोसे सा 5 पुलिस मावसुमाफोरा थांदोमोन। एस्कर्ट खालामना गिदिबोफिननाय समाव मुडिया मडनि साखाथियाव उल्था दिगनिफ्राय फैनाने थानाय

## आमेरिकायाव 90 फुट गोजौ भगवान हनुमाननि मुसुखा बानायदो



टेक्सस, 21 आगस्ट: आमेरिकानि टेक्ससआव प्रभु श्री रामनि परम भक्त भगवान हनुमाननि 90 फुट गोजौ मुसुखा गायसन्दो। रबिबारखालि बे मुसुखाखौ बेखेवयो। बेबायदिनो भगवान हनुमाननि बे मुसुखाया आमेरिकानि थामथि बयनिखुइ जोसिन मुसुखा जाबाय। बे मुसुखानि प्राण प्रतिष्ठाखौबे खालामनाय जाबाय। बेनि मुंखौ स्टेच्यु अफ इडनियन दोनाय जादो। मुसुखानि बे मुंखौ बेनिखायनो दोनाय जादो, मानोना भगवान हनुमानआ राम आरो सित्ताखौ लोगो मोनलायहोनायाव गाहाइ बिभाव लादोमोन। बे मुसुखाया टेक्ससनि शुगारलेन्डाव थानाय श्री अष्टलक्ष्मी मन्दिरआव दडा बेनि बिथांखिखौ चिन्नाजियार स्वामी जीआ लादोमोन। बेनि सिगां थानाय 2020 आव डेलावेयाव भगवान हनुमाननि 25 फुट गोजौ मुसुखा गायसन्दोमोन। बे मुसुखाखौ तेलंगानानि वारंगलनिफ्राय दैथाय हरदोमोन। स्टेच्यु अफ इडनियननि सोमोदेव बेवसाइटआव फोरमायदोदि, स्टेच्यु अफ इडनियनआ भगवान हनुमाननि सा आमेरिकानि बयनिखुइ जोसिन मुसुखा जागोन। बेयो गोहो सिबिनाय आरो फोथानायनि नेसोन। बेवसाइटआ फोरमायदोदि, बेयो जोनि थाखाय मोनसे खाबु, जायनि गेजेरजो जो मोनसे फोलेर महरै इयुनि इयुन जोलेफोरनि थाखाय भगवान हनुमाननि आशिवाद (बोर) मोनानयनि लामाखौ दिन्थिलानो हायो।

## मुलुगनि बैसो गोरसिन आइजो मारिया ब्रान्यासआ 117 बोसोर बैसोआव जोबथा हां बोबाय



मेडिड, 21 आगस्ट: मुलुगनि बैसो गोरसिन सुबु महरै मिबथिजानाय आमेरिकान फोलेरनि स्पिनियाई मारिया ब्रान्यासआ 117 बोसोर बैसोआव रंसारि जाबाय। बिनि नख 'रआ रिसारं ग्रुपनि गेजेरजो फारिलाय खालामनाय नैथि बैसो गोरसिन सुबुआ आथिखालाव जापाननि टमिक इटुकानि, जाय 116 बोसोर बैसोनि जाबाय। ब्रान्यासनि एक्स एकाउन्टआव बिनि नख 'रआ मारिया ब्रान्यासआ जो गासैखौबो नागारसा थांबाय होना लिरौ। बियो जेबो जोखोम जाया जासे गोजोनै थैलांबाय। ब्रान्यासनि जोनोमा 1907 नि 4 मार्चआव सेन फ्रान्सिस्कआव जादोमोन। बियो माकासे बोसोरसिम निउ आरलियन्सआव थायो, जेवब बिनि बिफाआ गांसे लाइसि

दिहुन्दोमोन, जेब्ला बियो उन्दैमोन अब्लानो बिनि नख 'रआ स्पेनआव फैफिनो। ब्रान्यासआ सैथि मुलुग दावहानि समाव आटलान्टिक लैथोमा बारनाय बाश्नाखौ गोसोआव दड होना बुडा। बिनि एक्स एकाउन्टखौ सुपार

## मणिपुरनि पुलिसआ सान्जा इम्फलाव बान फसंथाननि सानै मावसुमाफोरखौ ग्रेप्टार खालामदो

इम्फल, 21 आगस्ट: मणिपुर पुलिसआ मोनसे मख 'जाथाव नायबिजिरनायाव सान्जा इम्फलआव होबथा जानाय फसंथान केसिपि एमसि (प्रग्रेसिभ) नि सानै एक्टिभ केदारफोरखौ ग्रेप्टार खालामो। बिबानगिरिफोरनि बायदिल्ला बिसोर सानैनि सिनायथिखौ नंमेथम रहित सिंह (23) आरो रनाड लेशयम (21) मुडे



होदो। गुबुन मोनसे सोनाब जिल्लानि लिल चजिंआव मोनसे हाथियार लाप्रा

## 7 रोजा सुबुफोरा सिगां मिबथिया जासे फाहामसालियाव माबोरै हाबखो होन्ना मिरुया सौंथि खालामदो

गोदान दिल्ली, 21 आगस्ट: कलकातायाव डक्टरखौ जिनाहारि खालामना बुथारनाय केसआव मंगलबारखालि मिरु सरकार आरो सोनाब बंग' सरकारा सुप्रिम कर्टआव मोगा-मोगि जानाय नुनो मोन्दो। फारसेथि मोनैबो सरकारनि उखिलफोर बे केसखौ राजखांथियारि खालाम नाडा होन्ना बुंदो। गुबुन फारसेथि हियारिनि समाव राइज्यो आरो मिरु सरकार गावजो गाव थांखि लायनायखौ जोबथासिम नुनो मोनो। मिरु सरकार आरो सिबिआइनि फारसेनिफ्राय दिन्थिनय सलिसियार जेनेरेल तुषार मेहताआ डक्टरखौ अनागारै बुथारनाय केसखौ नायबिजिरनो आरो गोब्राब होंगो-दोंगो सुबु



हान्जाया फाहामसालियाव हाबनानै बुफाय-बुसि खालामनायखौ लानानै सोनाब बंग'नि ममता सरकारनाव सौंथि खालामदो। मेहताया बुडेदि, सा 7,000 सुबुफोर खौरं गैयाजासे हरखाब थुबुर जानो हाया। राइज्यो सरकारा बे बायदि डिनाइल मडआव थानो नाडा, मानोना सासे आइजोनि जिउ

## वायनाडनि हा गिसि खानायाव गं 17 नख 'रफोरा आबुडे सिलिखार जाबाय



तुरुवनन्तपुरम, 21 आगस्ट: केरेलानि गिबि मन्थि पिनारायी भिजयनआ मंगलबारव बुंदोदि, भायनाडनि खेफोदआव दासिम 179 गोथै सहफोरखौ सिनायथिनय जादो। बिथाख बुंदोदि, हा-गिसिखानायाव गं 17 नख 'रफोरा आबुडे सिलिखार जादो आरो बिसोरनि रावबो सोद्रोमाया रैखाथियै थायाखैमोन। बे नख 'रफोरनि सा 65 सुबुफोरा थैबाय। बिथाख बुंदोमोनदि, आथिखालाव भायनाडनि खेफोदजो गोहोम गोलैनाय ओन्सोलफोराव 729 नख 'रफोरा रैखाथि बादायव दं। बेनि गेजेराव 219 नख 'रफोरा बादायव थागासिनो दं, बबेखानि गुबुनफोरा भारा न' एबा नख 'रारि न'फोराव थाहैदो। सरकारआ भारा न'फोराव थाग्राफोरनो न' भारानि हेफाजाब होगोन। गिबि मन्थि भिजयनआ बुंदोदि, गोहोम गोलैनाय नख 'रफोरनो थाग्रा

## दलित आरो आदिबासि फसंथानफोरा दिनै भारत बन्द 'फोसावदो



गोदान दिल्ली, 21 आगस्ट: दलित आरो आदिबासि फसंथानफोरा जेनायाव थानाय फोलेरफोरनि थानाय फोलेरफोरनि थाखाय गोखो थान्दै आरो रैखाथिनि दाबि दैखानायखौ लानानै बुधवारखालि भारत बन्द 'फोसावयो। दलित आरो आदिबासि फसंथानफोरनि माहारियारि आफाद (एनएसिडिएएआर) आ एससि, एसटि आरो अबिसिनि थाखाय बिजिरनाय आरो समांथिजो लोगोसे दाबि दैखानायफोरनि मोनसे फारिलाइ फोसावो। एनएसिडिएएआरआ सुप्रिम कर्टनि सा 7 बिजिरगिरफोर थानाय पीठनि आथिखालाव लानाय थांखिनि सायाव हेंथा होदो। बिसोरनि बायदिल्ला,

हान्जानि सा 3 सोद्रोमाफोरखौ ग्रेप्टार खालामो। सन्देह' खालामथावफोरखौ अथकपम डिगसन सिंह (24), मेबम सुरेश सिंह (29) आरो चनमबम नाओतम्बा सिंह (21) मुडै सिनायथि होदो, जायफोरनिफ्राय 5.56 मिमि इन्सास एलएमजि, गंसे खालि मेगजिन, 5.56 मिमि इन्सास राइफल, गंसे गोथां राउन्डजो लोगोसे गं 32 पिस्टल, गंथाम मबाइल हेन्डसेट, गंसे साखा खबत्रै गारि आरो गुबुन होबथाजाथाव मुवा-बेसाद मोनो। बे ग्रेप्टार खालामनायखौ दायनिगिरि हाबाफारिफोरनि सायाव होबथानाय आरो आइन-बेब'स्थाखौ सोलिहोना लिखिनो थाखाय राइज्योनि सोलिबाय थानाय नाजानायफोराव मख 'जाथाव जाफुसाराय महरै सिनायथिदो।



# गाहाइ मन्थि मदिआ पलेन्डआव दावबायनायनि सिगां हादतनो मेसेज होदों

गोदान दिल्ली, 21 आगस्ट : गाहाइ मन्थि मदिआ दिने बुडोदि, इउक्रेनआव सोलिबाय थानाय दावहाखौ गोजोने फोजोबनायनि नोजोरखौ शेयार खालामनो थाखाय इउक्रेननि हादतगिरि भलडिमिर जे लेनस्किजों सिगांनि सा व रा य ना य खौ आवगायलाहोनायनि खाबुखौ नेनाइ दड। पलेन्ड आरु इउक्रेनआव थानायनि सिगां गाहाइ मन्थि मदिआ मोनसे फिनायाव बेखौ बुडो आरु दावहाजों भुगिनायाव हादतआव थाबैने दिदोमथि आरु गोजोन फेगोन आसा खालामनायखौबो बुंथियो। मख 'जाथावदि, हादतगिरि जेलेनस्किजों हांखायहरनायाव मदिआ इउक्रेनाव दावबायहेदों आरु बेयो सोरबा भारतयारि गाहाइ मन्थिनि इउक्रेन नाव गिबि दावबायनाय। इउक्रेननि अनगाथे



गाहाइ मन्थि मदिआ पलेन्डआवबो दावबायहेगोन। भारत-पलेन्डनि राजथान्देयारि सोमोन्दोया 70 बोसोर आबुं जानायनि खाबुआव मदिआ पलेन्डआव दावबायदों। दावबायनायनि सिगां मदिआ बुंवावोदि, सुबुं खांथि आरु उदां सानखिनि फारसे दरै

हादतनि गावजों गावनि गोरोबपलेनाय नोजोर आरु थांखिया भारत-पलेन्डनि सोमोन्दोखौ आरुबाव गोखोंसिन खालामो। बेनि अनगाथे मदिआ पलेन्डनि गाहाइ मन्थि डनाल्ड ट्रम्प आरु हादतगिरि आन्डेज हुराजोंबो लोगो हमनो हागौ। दावबायनायनि सिगां हादतनो बिबुंथि होनायाव गाहाइ

मन्थिया पलेन्डआव जिउ खुंनय भारतीय फोलेरनि सुबुंफोरजोंबो लोगो हमगोन। लोगोसे नो बिथांनि दावबायनाया दरै हादतनि गोथौ सोमोन्दोखौ लाखिनांनो आरु फेगौ बोसोरफोराव गोखोंसिन गोथां सोमोन्दोनि बिदिन्थि गायसन्नायाव मदत मोनगोन होन्ना आसा फोरमायथियो।

# आइएमडिआ इउपि-बेंगलनिफ्राय लानानै 15 राइज्योआव अखा हानायनि एलार्ट होदों

गोदान दिल्ली, 21 आगस्ट: उत्तर भारतजों लोगोसे हादरनि गोबां राइज्योफोराव रोजा अखा हाबाय थादों। दिल्लीआव फ्राय सानफ्रोमबो गुबुन-गुबुन ओन्सोलफोराव रेजेंनिफ्राय गेजेर थाखोनि अखा हागासिनो दं। बे समावनो, भारतयारि बोथोर बिगियान बिफानआ (आइएमडि) आ 21 आगस्तखालि मिजरांम, नागालेन्ड, त्रिपुरा, मणिपुर, केरला, आसाम आरु मेचालयनि थाखाय अरेन्ज एलार्ट फोसावदों, जेराव गोबां अखा हागोननि इयुन रादाव होदों। बेजों लोगोसे, आइएमडिआ इयुन रादाव होदोंदि, हादरारि राजथावनिआव बुधबारावबो सरासनसायै जोमे खोबनाय थागोन। अखाइव बाहुंखा फैनायनि आसा दं आरु एसे अखा हानायनि आसा दं।



दिल्लीनि अनगाथेबो सान्जा मध्य प्रदेश, छत्तीसगढ़, झारखण्ड आरु उत्तर प्रदेशनि माखासे बाहागोफोराव खमनिफ्राय गेजेर थाखोनि अखा हानायनि आसा दं। दिल्ली-एनसिआरआव बुधबाराव सरासनसायै जोमे खोबनाय अखां थागोन। हादरारि राजथावनि बोथोर नायखोनाया जोमे खोबनाय अखां आरु एसे अखा हानो हागौ होन्ना इयुन रादाव होदों। बांसिन बिदुड 33

डिग्री सेलसियासनि खाथि-खाला थानो हागौ, जेराव बाडायसिन बिदुड 25 डिग्री सेलसियासनि खाथि-खाला थानो हागौ। दिल्लीनि ओन्सोलारि बोथोर बिगियान मिरुआ फेगौ सानथामसिम गोबां अखा हानायनि थाखाय येल एलार्ट फोसावदों, जेराव फेगौ सानबानि गेजेराव अखा हानो हागौ। बिहारनि मोन 4 जिल्लायव दिने गोबां अखा हानायनि एलार्ट फोसावनाय

जादों। बेनि अनगाथेबो, गुबुन जिल्लाफोरनि माखासे जायगाफोराव रेजेंनिफ्राय गेजेर थाखोनि अखा हानो हागौ। सुबुंफोरखौ लांदां जायगायाव बायजोआव थानायनिफ्राय गोजानाव थानो बोसोन होनाय जादों। बे समावनो, थानाय 24 घन्टायव पटना समस्तीपुरजों लोगोसे गोबां जायगाफोराव गोबां अखा रेबगान्थिनाय जादों। कै मुर, रहतास, औरंगाबाद आरु गयाजों लोगोसे बिहारनि दरखौ जिल्लायाव गोबां अखा हानायनि थाखाय येल एलार्ट फोसावनाय जादों। सुबुंफोरखौ सांघां जानो खावलायनाय जादों। गुबैये आबादारिफोरनो सांघांथि रादाव फोसावनाय जादों। फेगौ 24 घन्टायव सौराष्ट्र आरु कच्छ, खोला सिंनि कर्नाटक, केरला आरु खोला सिंनि कर्नाटकनि गोबां जायगाफोराव गेजेर थाखोनि अखा हानो हागौ आरु गोब्राव बार बारनो हागौ। बेफोर राइज्योफोरनि अनगाथेबो, विदर्भ, गंगानि सोनाब बेंगल, हिमाचल प्रदेश आरु उत्तराखण्डनि मोनसे एबा मोनै जायगायाव गोबां अखा हानायजों लोगोसे रेजेंनिफ्राय गेजेर थाखोनि अखा हानो हागौ। लादाख, सोनाब राजस्थान, सौराष्ट्र आरु कच्छआव एसे अखा हानो हागौ।

## रंमेइ नागा परिषदआ मणिपुरनि बन्द'खौ बोखाखाय

इम्फल, 21 आगस्ट : मणिपुरनि गिबि मन्थि एन बिरेन सिंह आरु सोमाव सारग। फोरनि दैदेनगिरिफोरनि गेजेराव रादाय खालामनायनि उनाव रंमेइ नागा काउन्सिलआ मणिपुर नताय फे लुआंग्रियान (आरएनसिएम-एनटिएल) आ जोबथा गैये



समनि थाखाय बन्द' समनि थाखाय जागायदोंमोन फोसावनायखौ दोन्थ'यो। आरु बेनि गेजेरजों एनएइच-थानाय 18 आगस्टनि हरनिफ्राय 37 (इम्फल-जिरिबाम रड), बिसोरु बन्द'खौ जोबथा गैये टंजेइ मारिल र'ड (बिष्णुपुर-

खुपुम-रेंपों) रड आरु लिमातक लकतक बिथांखिया बन्द' जायो। धर्ना खालामग्राफोरा ननी जिल्लानि थाखाय खुंथायारि सुबिधांथि थाखाय जर'खा रहानि दाबि खालामदोंमोन। जर'खायै कांपकपि आरु चुराचान्दपुर जिल्लाफोरनि तलहटिआव संसार जानाय एसेल' सुबुं अन्जिमा गोनां नागा जनजातिफोरनि थाखाय बे राहाफोरखौ दाबि खालामदों।

**आगस्ट/2024 दाननि थाखाय इ-निलामि हबाफारि**

आगस्ट/2024 दाननि थाखाय रंजिना बिबिचननि बेंखानव इ-निलामि गेजेरजों रंकेप लट फानने थाखाय इ-निलामि समफारिखौ गाहायाव फोरमायनाय बायदिदे वि खालामनाय जादों:-

खारिनि	दान/बेखोर	निलामि खारिनि	निलामि जागाववेनाय अवर/साय
1	आगस्ट/2024	NFRNRY30N2024001	29-08-2024/10:30:00

इ-निलामिआव रेंजिनेसन, फेरिनाय, बाहागो लाने घडाव गेयो गुदु, बिदुडकोखौ अड-आवगिपिस वेबसाइट [www.ireps.gov.in](http://www.ireps.gov.in) आरु नवनो बोसोन होवव जवव।

अडिट सिग्नाय, पान्डु

**सा-सान्जा सिमना रेलवे**

बिबिचननि बेंखानव इ-निलामि

No. GBM/RC/2023-24/41 Dr. 21/08/2024

**SHORT NOTICE INVITING TENDERS**

Intending registered organization and financially sound firms / NGO / Entrepreneurs having similar experience for executing A Two Days Awareness Camps (in each district of BTR) under Green Bodoland Mission (GBM) for 2023-24 may submit their bids to the Mission Director of Green Bodoland Mission (GBM), Office of the WPT, BTC Kokrajhar on or before 3.30 p.m. on 3<sup>rd</sup> September 2024.

Details of works can be obtained from the office of the Mission Director, Office of the WPT, BTC, Kokrajhar during office hours. The notification can be seen in the Notice Board of the Mission Director, Office of the WPT, BTC, Kokrajhar during the office hours on or before 3.00 p.m. on 3<sup>rd</sup> September 2024.

Tentative Budget for a Two days awareness camp in each district of BTR

Sl. No.	Particulars	Qty	Estimated cost (In Rs.)
1	Venue arrangement (Pandal Stage, Sound system, sitting arrangements, Power point system, power back up etc.)	1	500000
2	Refreshment (Tea, Snacks, Lunch)	600	
3	Stationary kit (Pen, Notebook and Folder)	300	
5	Resource Person Fees	3	
6	Felicitation items for the guests	5	
Thus, Total amount for four camps			

\*Including GST

Sd/-  
Mission Director,  
Green Bodoland Mission,  
BTC, Kokrajhar

IPR(BTC)/C/2024-25/352

**ENGAGEMENT UNDER SAMAGRA SHIKSHA AXOM**

No. SSA/Esstt/Engagement/SMO/151/2023/1700

The Samagra Shiksha, Axom invites online applications from Indian Citizens (as defined in Articles 5 to 8 of the Constitution of India) for the under mentioned positions under Samagra Shiksha, Axom on contractual basis. The online applications will be received from 21.08.2024 to 04.09.2024. The posts are temporary in nature and the selected candidates will be initially engaged for a period of 11 (eleven) months only. The contractual engagement will neither be regularized under Samagra Shiksha, Axom nor will be absorbed under any job/programme of Government of Assam in future and no person (s) so engaged shall have any right (s) to claim for permanent abortion in any post (s) in the government or in the Samagra Shiksha, Assam.

**Age for categories of post :** The candidate should not be less than 18 years of age and not more than 62 years of age as on 01-01-2024.

The age limit of the candidates will be calculated on the basis of the Matriculation/HSLC Admit Card or Pass Certificate issued by a recognized Board/ Council and no other document shall be accepted in lieu of the mentioned documents.

Sl No	Name of the Post	Essential Qualification and Experience	Pay in Pay Band in Rs.	Grade Pay in Rs.	No. of Post	Place
1	Officer In-charge (Research & Evaluation)	• Post Graduate Degree with 5 years of relevant experience at District or State level position in any Govt. Deptt., Society, University, College, Reputed Research Organization or, 4 years of experience as Reader, SCERT or, 5 years of experience as Lecturer, SCERT/DIET or, 10 years of experience as Instructor of BTC/ Normal School, Higher Secondary level.	30,000/- to 1,10,000/-	13300/	01	State Mission Office
2	Officer In-charge (Special Training)	• Post Graduate Degree with 5 years of relevant experience at District or State level position in any Govt. Deptt., Society, University, College, Reputed Research Organization or, 4 years of experience as Reader, SCERT or, 5 years of experience as Lecturer, SCERT/DIET or, 10 years of experience as Instructor of BTC/ Normal School, Higher Secondary level.	30,000/- to 1,10,000/-	13300/	01	State Mission Office

- N.B-**
- The link of the recruitment portal will be available in the Samagra Shiksha website <https://ssa.assam.gov.in>
  - Read the User Guidelines carefully which is available on the recruitment portal on how to submit the online application form.
  - Claims for any correction will not be entertained after submitting the online registration and online application.
  - Before filling the on-line application, applicant has to go through the User Guidelines for online registration and online application.
  - Candidate must upload the supporting document of educational qualification, experience and others through portal.
  - Only eligible candidates will have to appear in test/interview, the exact date of which will be communicated separately.
  - A candidate must be in good mental and bodily health and free from any physical defect likely to interfere with the efficient discharge of his/ her duties as an Officer of the service.
  - The exact date & time of the Test/ Interview will be communicated to the shortlisted candidates separately.
  - Marking pattern will be on General Awareness, Personality & Aptitude, Subject matter in relevant field, Relevant Experience, etc. for the post. The applicant has to obtain minimum 50% of the total marks on the above in the interview and only then the candidates will be short-listed.
  - The office will not be responsible for any non submission of online application due to any error or other problem.
  - The decision of the Selection Committee in all aspects and all respects pertaining to the application and its acceptance or rejection as the case may be, conduct of test and all consequent stages concluding in the selection or otherwise of any candidate shall be final in all respects and binding on all concerned. The Mission also reserves its right to alter and modify time and conditions laid down in the notification for conducting the various stages up to selection or withdraw the Notification at any time, duly intimating details thereof to all concerned, as warranted by any unforeseen circumstances arising during the course of this process, or as deemed necessary by the Mission at any stage.

Sd/-Mission Director,  
Samagra Shiksha Axom  
Kahilpara, Guwahati-19

**Janasanyog/DF/846/24/22-Aug-24**

No. JDB/15<sup>th</sup>-FC/VI/6/2023-24/7937 Date 14/08/2024

**NOTICE INVITING TENDER**

The Block Development Officer, Jalah Development Block, Jalahghat invites bid for implementation of following works under 15<sup>th</sup> FC (Untied Grant) in BTC for the year 2023-24 during 2024-25. The approval and eligible contractor/ Firm Class-I (A, B, C) & Class-II category registered with Assam PWD (R&B).

Sl. No.	Name of Scheme	Tender Value (In Lakh)	Time of Completion	Tender Cost & Earnest Money & Date of Tender
1	Const. of road with E/F and S/G from Bathou Mandir to Dharmeswar Boro house at Thajiguri village under Jalah Dev. Block in Baksa Dist.	21.00	180 days from the date of issue of Final work order.	1) Tender cost @ 0.02% of A/A amount to be pledged by Bank Draft in favour of Principal Secretary, BTC. 2) Earnest Money @2% (In case of ST/SC/OBC 1%) of estimated value 3) Bidders are specifically requested to inspect the field are study the working condition before submitting their offer/bid. 4) The sealed tenders will be received through online up to 2.00 PM and opened at 2.30 PM on 07-09-2024

- Details NIT may be seen at the website [www.assamtenders.gov.in](http://www.assamtenders.gov.in) and also in the office of undersigned during office hours.
- The contractor/ Bidders must be registered with the E-Tendering system (ETS) of the Govt. of Assam website ([www.assamtenders.gov.in](http://www.assamtenders.gov.in)) for participating in the bidding process. The bidding documents may be downloaded through the portal [www.assamtenders.gov.in](http://www.assamtenders.gov.in) by using their own ID.

Sd/-  
Block Development Officer,  
Jalah Dev. Block, Jalahghat

IPR(BTC)/C/2024-25/344

No. KDB-448/SOPD/2023 24/9651 Date 19/08/2024

**NOTICE INVITING TENDER**

Sealed tender affixing a non-refundable court fee stamp of Rs. 8.25 (Rupees eight & twenty five) only with a validity period 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II categories Assam P&RD and BTC, according to their eligibility for submitting tenders for the works under SOPD fund for the year 2024-25 as stated below. The tender will be received by the undersigned 2.00 PM of 10-09-2024 and will be opened on next day at 3.00 PM.

Sl. No.	Name of work	Location	A.A. Amount (Rs. In lakh)	Cost of bid document	Amount of bid security	Time of completion
1	2	3	4	5	6	7
1	Const. of road E/F & S/G at No.1 Polashguri	Polashguri	Rs. 15.00 L	0.03%	SC/ST=1% OTH 2%	3 moths
2	Const. of road E/F and S/G at Malaguri to Madhusandan house	Malaguri	Rs. 15.00 L	0.03%	SC/ST=1% OTH 2%	3 moths

Details N.I.T may be seen in all working days during office hours in the office of the undersigned tender will be issued to the contractors of their authorized agent from 21-08-2024 to 10-09-2024 in the office of the undersigned on payment in the form of demand draft/banker's cheque from any Nationalized bank duly pledged in favour of the BDO, Kachugaon Dev. Block, Gurufela.

Sd/-  
Block Development Officer,  
Kachugaon Dev. Block, Gurufela

IPR(BTC)/C/2024-25/345

No. NDB-40/Tender/2024-25/2561 Date 19/08/2024

**Tender No. 08 of 2024-25**

**PRESS NOTICE**

**NOTICE INVITING TENDER (For offline of Multiple works)**

Sealed tenders are invited affixing a non-refundable court fee stamp of 8.25 (Rupees Eight & paisa twenty five) only on behalf of Nagrijuli Dev. Block (P&RD) from the intending contractors/ Suppliers/ firms for the work mention below:-

Sl. No.	Name of Work	Estimated Amount/ Value (in lakh)	EMD Bid Security (in Rs.)	Tender Fess (in Rs.)
1	Const. of Community Toilet at Nagrijuli Anchallik Bathou Mandir under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
2	Const. of Community Toilet at Latibari Bazar under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
3	Const. of Community Toilet at Gandhibari Chowk under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
4	Const. of Community Toilet at Gandhibari under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
5	Const. of Community Toilet at Nagrijuli Anchallik Bathou Mandir under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
6	Const. of Community Toilet at Nagrijuli Anchallik Bathou Mandir under 15 <sup>th</sup> FC (Tied Grant) for the year 2022-23 during 2024-25	11.00 Lakh	11,000/-for SC/ST 22000/-for Gen.	330/-
7	Imp. of earth filling and sand gravelling road from Gormsing Satsangha to Baraliapar Batia river, Niz Defeli under 6 <sup>th</sup> ASFC fund for the year 2022-23 during 2024-25	6.00 lakh	6,000/-for SC/ST 12000/-for Gen.	180/-
8	Imp. of earth filling and sand gravelling road from Swgmsar Basumatary house to Sontola paddy field under 6 <sup>th</sup> ASFC fund for the year 2022-23 during 2024-25	7.00 Lakh	7,000/-for SC/ST 14000/-for Gen.	210/-

Pre-bid date and time: 16/08/2024 at 4 PM; Last date and time of bid submission: 05/09/2024 at 2.30 PM;  
Date & time of bid opening: 05/09/2024 at 3.00 PM  
Tender documents can be obtained from the office of the BDO, Nagrijuli on any working days/hours up to 4.00 PM from 16/08/2024 to 05/09/2024 or in <https://sppp.assam.gov.in>. A pre bid meeting will be held as mention above. The address for the meeting is O/o the BDO, Nagrijuli Dev. Block. The bid will be opened in the office of the undersigned as per the schedule mention above. The TIA reserves the right to accept or reject any bid tender and to cancel annual the bidding process and reject all bids at any time prior to contract award.

UNSEALED TENDER WILL SUMMARILY BE REJECTED.

Sd/- Name of the TIA:- BDO  
Address of the TIA:- Nagrijuli Dev. Block, Nagrijuli

IPR(BTC)/C/2024-25/347



## मुलुगनि धोनिसिन सहर, जेराव करडपतिफोरखौल' नुनो मोनो

मुलुगआव गोबां गिदिर आरो जोंगा-मागा सहरफोर दड, जेराव धोनि सुबुंफोरल' थायो। बिसोरनि जिउ खानाया हुदाया ओरैबायदि जोंगा-मागा एबा लागजारिदि सरासनसा सुबुंनि जिउखौ दानि मुगाजों खाब जाहोना गोरलैये एबा लागजारिये जिउ खानो थाखाय साफ्रोमबो सुबुंनो हास्थायो। नाथाय गिदिर गिदिर नोगोरारिफोराव जोबोर धोनि सुबुंफोरल' जिउ खुंनो हायो। बेबायदिनो मोनसे सहरआ मख'जाथाव, जेराव मुलुगनि धोनिसिन सुबुंफोर थायो। नंगो थारैनो बे बाभ्रायै सैथो, बेयावनि साफ्रोमबो सुबुंनो सरासनसा सुबुंफोरनिफ्राय गोबां धोनि। नाथाय माबोरै बै नोगोराव थाग्राफोरा एसेबां धोनि आरो बैयाव करडपतिफोरनि अन्जिमाया बांबोगासिनो दड।



बे धोनि सहरनि मोनफ्रोम सा 24 सुबुंफोरनि गेजेराव सासेआ करडपति आरो बेनि अनजिमाया बांबोगासिनो। बेयो सुपारपावार आमेरिकानि मोनसे ड्रिम सिटी आरो बेनो जादों निउयर्क। हनले एन्ड पार्टनर्सनिफ्राय फोसावनाय धोनिसिन सहरफोरनि फारिलाइयाव मिबथिहोनाय बायदिब्ला, निउयर्क आव 3,49,500 करडपति सुबुंफोर

थायो। थानाय 10 बोसोराव बे अनजिमाया 48 जौखोन्दो बांदों। निउयर्क नोगोस्मानि गासै सुबुं अनजिमाया 82 लाख रिपर्टनि बायदिब्ला, निउयर्कआव सा 60 सुपार रिच सुबुंफोर थायो आरो सा 744 सुबुंफोरहा 100 मिलियन डलारनि बांसिन सम्पति दड। धोनिसिन सुबुंफोरनि फारिलाइयाव हेनले पार्टनर्सआ

ओरैबायदि सुबुंफोरखौ थिसनफायो जायहा खमैबो 1 मिलियन डलारनि इन्धेस्ट खालामनाय दड। निउयर्कनि उनाव धोनिसिन नोगोरनि फारिलाइयाव दडसेन फ्रान्सिस्क बोरिमा ओन्सोल, जेराव 3,05,700 कडपतिफोर थायो। बेनिफ्राय थामथिआव दड टक्क्य, जेराव 2,98,300 कडपतिफोर थायो। अदेबानि 10 बोसोरआव बे सहरनि क्रसपतिफोरनि अनजिमाया 5 जौखोन्दो दावखलायदों। बेनिफ्राय 4थियाव दड। सिंगापुर। बेयाव 2,44,800 कडपतिफोर दड आरो 10 बोसोराव धोनि सुबुंफोरनि अनजिमाया बेयाव 2 गुन बांदों। बेरफार्सेथि, लन्डनआव करडपतिफोरनि अन्जिमाया थानाय 10 बोसोराव 10 जौखोन्दो दावखलायदों।

## पेरालिम्पिक गेम्सआव रैखाथिनि थाखाय 25 रोजा जवानफोरखौ थिसन्दों



पेरिस, 21 आगस्ट: फ्रान्सनि राजथावनि पेरिसआव फेम्नो 28 आगस्टनिफ्राय पेरालिम्पिक इन्धेस्टआ जागायगोन। बेनि थाखाय फ्रान्सनि नखर'र मन्थि गेराल्ड डेमेंनिनआ पेरिस अलिम्पिकनि समाव जवानफोरखौ थिसननाय बादिनो

बे खेबआवबो 25 रोजा पुलिस जवानफोरखौ थिसननाय जागोन होन्ना रोखा खालामदों। डेमेंनिनआ खौरां मेलनि गेजेरजों फोरमायनाय बादिब्ला, खुंफुंग्रा आफादआ पेरालिम्पिक गेम्सनि थाखाय उतखारिफोरनि सायाव जर'खा नोजोर लाखिनाय

रैखाथियारि गोहोखौ गोखों खालामदों। बिथाडा मिथिहोनाय बादिब्ला, गाजायाव जानाय दावहानि समाव फिलिस्टाइनआव सुबुंफोरनि जिउ खहा आरो सोनाब एसियाआव फालांगियारि फोथारआव खहा जानायनि

जाउनाव अलिम्पिक बादिनै पेरालिम्पिकनि समावबो इजराइलनि सा 27 गेले गिरिफोरखौ पुलिस बिबानगिरिफोरा 24 घन्टा नोजोरआव लाखिगोन। बेनि अनगायैबो 10 रोजा जर'खा सिक्किउरिटि एजेन्ट बिफानआ गेलेगिरिफोर थाग्रा जायगा आरो नायगिरिफोरनि थावनिआव रैखाथिनि थाखाय जर'खा नोजोर लाखिगोन। पेरालिम्पिक कमिटीनि आफादगिरि टनी एस्टेनगवेआ फोरमायनाय बादिब्ला, मोन 19 थावनिफ्राव खुंजानो गोनो बे इन्धेस्टआव फ्राय 4400 गेलेगिरिफोरा बाहागो लागोन। जाउनाव बिसोरनि रैखाथिखौ नोजोर लाखिनो थाखाय 25 रोजा पुलिस जवानफोरखौ थियारि खालामनाय जादों।

## रैसुमै मेथाय

नॉनि रैसुमै गारां खवामा बेसे मिलौहाब सना। मिथिंगानि दावसिन-दावलाफ्रा उसाव-बादाव जाखाडे। दिनें आंबो बोदोर बावलि जाबाय नॉनि रैसुमै गारांआव'' एसेबां समायना एसेबां रमायना नॉनि महरआबो। आंनि गोसोखौ जावलिना खालामबाय मेथायनि देंखोजों, मा जादों नोंहा मा मादों दुखुनि मेथायजों गावनि जिउ जारिमिनखौ बेखेवदों नामा फारि-फारि गावनि जिउखौ। मानि थाखाय बिदि मेथाय खनबायदों नों सना, आं मिथियाखेमोन, नॉनि दुखुनि मेथायखौ।

मुश्री थनिजा ब्रह्म

गामि: डालवाबारि, जिल्ला: कक्राझार

## गोसोनि हाबिला

थानांगो समा जाबोला आं नोंखौ नेनो हायाबोला, नों आंखौ गोसो खाडेबोला, फेगोन रजे आं नॉनि सेराव अनलायनायनि गोदें रादाव लानाने, नुहरनाय बै अखोरं बिखानिफ्राय। संसारनि लामाखौ नों हारसिडेनो दावबायलानो गोनां जायोबोला, नॉनि मेगन थायनैनिफ्राय मोदैन थरथिआ बोहैबोला, हुगारफेगोन रजे आं साया-माया, नुहां-नुवाहां, बायदि मैया महर लानाने। नेबाय थागोन आं नोंखौ नुहरनाय बै गोदान गामियाव नों जेबोला फेगोन आंनि खाथियाव।

मुश्री मोकेश बसुमतारी खौला टेङपारा

## गोदान आबहावा

हायरे ! बे मुगायाव संसारनि बोहैथि दैया मासेबां गुबुंले, थरथिसे गोगो नागिरनानै मोननो गोब्राब, आनान ग'साइयाथि गुबुंले दैजों खुसि जागोन, बेफोर दैखौ लोंब्लाथि सुबुंनि देहाया गोखों जागोन। बेखायनो नामा बे जिउआ थोजासे आदार मोनजायै, गावनि बिगोमाजों नायस'नजायै बेगेंजों बिगुरजों जानाय लामानि सैमा फाखि!! आंखौ सोर जोनोम होयामोन आं मिथिया, आंनि आफाया मा बायदिमोन आं सिनाया; खायसेबा बुडे-आंलायनो माइबारिनि फिसाच्ला, आरो खायसे बुडे-आंलायनो मोब्लानि मोखोंसे नाथाय दिनें आदि मोदाय गथ'(Basterd) । मालाय बिजय, पिंकि मोनहा बिमानि आहार मोनजानानै देरदों, मालाय बिफानि फाफिलयाव गाखोनानै गराइ दाब्रायानो मोन्दों; थेवबोदि बिसोरनि आंथि-आखायफ्रा मोनिया, बिसोरनि बिखाया लांदां एलबाम। गोगो दै नागिरब्लाबो मोनैयाव आं आनान ग'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथेर-फेथेर आर'ज गोसोयासो थिर नड मानोना आनान ग'साइयाबो खेबसेखौ खोनासड, बिनि खोमायाबो सोरबां रं कुबीरजों थुलासो माथु जाबाय नामा! नाथाय दाबो दावखायादि फुराखै, दावब'यादि गोसोम गाब गायाखै दैयाबोदि साहाथि बोहैयाखै।

मुश्री सनिराम बसुमतारी

## रंजालि गथ'फोरनि सौरा

### आं दाबो गोसोखाडे

डिमाफुर नोगोरनि दैजिरि सिख्ला दोरोडरियै बोहै लानाय, मोनसे स'नाथि दैमा बुरलुंबुथुरजों गोरबो लानाय।

आं मैया खोनादोंमोन राजफुखिनि सेरफाडव दैमालु जोहोलावआ बरादिनि रिफिनायाव गाबनाय।

सोरबा सिरि सिरि बुफेदोंमोन राजखुंगुर देरसुंफानि बिफाया नुदोंमोन गिलो बालो सिमां, बिसोरो बुफेदोंमोन - जोहोलाव दैमालुनि साव।

रोनसोन्दि थानसालिआव गाबदों दैमालुनि बिबै, नोंसोरो फाव फान्दायना बुथारबाय आंनि फिसौ - सोर उजिबावगोन बडुनि गेजेराव बिरजोहोलाव ?

ओइबार गोदान महाराव हारिआरिबाद नायगिरना मोनबाय, नंखायखौनो जोनोम हादोरखौ मोजां मोनफलायोब्ला जागोन ना ?

जायोब्ला बिरगोसि सिख्ला थेंफाखिमोन बादि जा, सिखोना जोहोलाव आरो बड'फा उपेन्द्रनाथ ब्रह्ममोन बादि हारि अनफावरु जा।

आरफ' महरै उजिफेनाय गुरुदेब कालिचरन ब्रह्ममोन बादि समाज आरो हारि सोदांगिरि जाना गियाननि बिदुं रानना हो।

पवित्र व्रत दैमारी गलाघाट

## सांग्रेमा

ओइ सांग्रेमा! ओइ सांग्रेमा नों लाजिनो रोड नामा ? इसेल जॉनाय लाना मान जायो नों दुगा। दानखोमसि हरावल मानो जायो नों दुगा। अखाफोर दानसोंआव बबाव थाडे नों ? आं माथो नोंखौ नुवा। मुलुगखौ स्रां खालामनो हानाय गोहोआ नोंनाव दंमोनब्ला जागौमोन नों बयनिबो दुगा-मारा। दानखोमसि हराव आंनि लामा हाथिनायाव मानो खालामो आंखौ आवा-फावा इसेल जॉनाय लाना आंनि सिगाडवल दुगा मारा। हनै नोंखौ मिनदिदों गुबुनफोर नॉनि इसेल जॉनायखौ नुना। ओइ सांग्रेमा! ओइ सांग्रेमा नों लाजिनो रोड नामा ?

श्री सिमां कुमार ब्रह्म गामि: कुंकथाइबारि, ला:सो: टिपकाइ जिल्ला: कक्राझार

## जीउनि थांखि

नॉनि गोसोखौ सुफुं जेरावबो सैथोयै, जेरावबो गोगो आखलजों, जेरावबो मोजां आरो सैथोजों, जेरावबो अन्नाय आरो मानहोनाय, आरो जेरावबो सानो हानाय गोहो एबा सोलो मोननायजों। मावबाय था गासैबो मुवाखौनो नों सोलों आरो सानबाय था खोनायाव आरो नुनायफोरखौ। अब्ला इशोरआ गोजोनगोन नोंजों लोगोसे।

श्री बिरखां कुमार ब्रह्म

### आंनि गोरबोआव नों दं

नों हाजारखि गोजानाव थाया मानो आंनि गोरबोआव नों दं नों हाजारखि नंखाय बुड मानो सैथोथिया आंनि गोरबोआव दं।

आं गले-गले बुंबाय थागोन नोंजों आंजों इयुन सोमोनदो दं थैस' थांस' गोजोन संसार जालानायनि नों नंखाय दा सान आं मिथिगौ।

बै जोमैफोरनाव खनसे सों नों बै समायना मिथिंगानाव सों नों आरो बै बिरबायनाय दाउफोरनाव... आंनि सोमोनदें सोना नाय नों खिनथागोन बिसोर मोजां मोत्रायनि सल'।

साखाथियाव नों गैयाब्लाबो नॉनि सायखंआ आंनि सायखंजों गोरबना मोनसे जयैनो दं नों फोथाय दा फोथाय आं सैथोआव दं थेवबोदि नों आंनि गोरबोआव दं।

लकेन दैमारि बैग्रि गुरि ( गेजेर जनाइ ) धेमाजी

## जाय गुबै महरनिफ्राय सिखुमायो

जाय थुबुरनिफ्राय एखुथा जाहोयो रोजोब गैथिआ संखिनानै जानखारनाय नंआ निदानाव गोलेना गब्रायनाय

जाय गुबै महरनिफ्राय सिखुमायो मेगननि जिलिद हगारनाया हायनारि मोननायनि हांखुर जानाय नंआ थाजोर लैथोयाव जहाबनाय।

सबिराम बर' राबां, बागसा

## आमोदसो मोन्दों

मालायबा बिसा मानि दाहानि बिदां जादों नोंसोरो जाम जाम जाना आमोदसो मोन्दों

रैदोम बर', बाक्सा

## जुजाय सम

गोजां बोथोराव गानो गुदु सि बायाखैब्ला बिमा-बिफानाव दाख्राय-दाख्राय बि लाजि नाड गान्नायफोरखौ गोमो होनांगौ हौवाफोरखौ। नाथाय दुखु नांथाव सानाना नै नायब्ला बोराबथाव गोजां बोथोराव गोबां सि नांगो रां दंजायोमोनब्ला गासैबो बायगौ। गोजां बोथोरा सिख्लाफोरनि जुजाय सम सिख्लाफोरनि गुदु सिया गोबां खम, जुता, लंपेन, थुफि, जेकेटफ्रा एसेल बेफोरखौ बायनो हाग्राया साफा-सानैल। बेनिखायनो गोजां बोथोरा सिख्लाफोरनि जुजाय सम।

मुश्री चन्द्र बसुमतारी गामि: दिमापुर, ला:सा: डाडइगाव जिल्ला: सिरां बिटिसि

## यै जारौ

यै जारौ, यै स'ना ? नॉदि आंखौ मानो नाया नाया, नॉदि आंजों मानो एरा एरा ? नों आंखौ नायाब्लाबो आं नोंखौ रागा जोड। नोमा नोम्फायानो आंखौ जावयैसो लेंखायो, नोंदा मोनहाबो रंखौ बिबोनां लेंखायो, होनब्ला मानोथो नों आंखौ रागा जोंखो स'ना ? गखाया नों आंनि हिन्जाव जायाब्ला। नोमा नोम्फाखौ आंबो आइ आफा लेंखाबाय, नोंदा मोनखौबो आंबो गुमै लेंखाबाय, होनबा बबावयो बारग'बावोनो नों स'ना ? नों आंजों हाबा जायाब्ला।

मुश्री रनजय नाजारी गामि- बिसपुरी करफाफारा ला:सो: बिसपुरी



( 1 बिलाइनफ्राय)

## एससि आरो एसटि मैखोम गामिखौ ट्राइबेल बेल्ट आरो ब्लक महरै फोसावगोन: गिबि मन्थि

जिउ खुंनागोन। अदेबानि माजुलिनि बिथिडव जिल्लाखौनो लाफानाय जादों। बरपेटा, बतदबाआव बे नेम-खान्थिया दानिफ्राय गोहोमाव गोलैगोन। रइज्योआरि केबिनेटनि जथुमनि उनाव बे बाश्राखौ बुंदों गिबि मन्थि ७ हिमन्त बिश्व शर्माआ। दिनेँ रइज्योआरि केबिनेट जथुम खुंनाय जायो। बे जथुमाव आजावनाय माखासे थांखिफोरनि सोमोन्दै गिबि मन्थि ७ हिमन्त बिश्व शर्माआ फोरमायथिनानै होयो। केबिनेट मेल जथुमनायनि उनाव गिबि मन्थि ७ शर्माआ खौरंगिरि मेलाव बुडोदि, दानिफ्राय इस्लाम सुबुंफोर इमानफोरनि नुजाथिनायाव हाबा खुंनो हागोन। सिगां समाव काजिआ हाबाखौ खुंबोदोंमोन, नाथाय दानिया लेडाइ रेजिस्ट्रारआ हाबाखौ खुंगोन। गिबि मन्थिआ बुडोदि, सा 542 जिउ खुंनायनि लोगोरि (सखि)नो थाबैनो स्कुटि होनाय जागोन। दिनेँनि सानाव गासै 27 लाख आइजोफोरा अरुनदय बिथांखि मोनो हादों। अरुनदय-3 बिथांखियाव 12 लाख 60 रोजा मुलाम्फागिरिफोरखौ फिन लाफानाय जागोन होन्नानै बिथाड खौरंगिरि मेलाव फोरमायो। गुबुन फार्सेथिं, अरुनदय बिथांखिनि सोमोन्दै बिथाड बुडोदि, दानिफ्राय रेसन कार्ड थानाय सुबुंफोरसो अरुनदय बिथांखिनि खाबु मोनो हागोन। नहाब्ला अरुनदय बिथांखिनि खाबुनिफ्राय जानायाव थानांगोन। आसाम हा खाजोना आइन, 1986 आइन सोदोनाय बाश्राखौबो बिथाड मिथिहोयो। अदेबानि ट्राइबेल हा सरेखाथिनि थाखाय 12 नं आयदनि सोदोनाय जागोन होन्नानै ७ शर्माआ फोरमायो। गुबुन फार्सेथिं, एस सि आरो एस टि सुबुं मैखोम गामिखौ ट्राइबेल बेल्ट आरो ब्लक महरै फोसावनाय जागोन होन्नानै बिथाड फोरमायो। दिनेँनि केबिनेटआव बे बोसोरनि माधबदेव तिथिनि सरकारि बन्धखौ 24 आगस्टआव होनायनि बाश्राखौबो बिथाड फोरमायथिनानै होयो। गुबुन फार्सेथिं, शंकरदेव बान्थानि सोमोन्दै गिबि मन्थिआ बुडोदि, 2023 बोसोरनि शंकरदेव बान्थाखौ सनाल मान सिंहेनो होनो केबिनेटआव थांखि लानाय जादों होन्नानै गिबि मन्थिआ मिथिहोयो। मख 'नो गोनांदि, खौरंगिरि मेलाव गिबि मन्थिजों लोगोसे मन्थि अतुल बरा, पियुष हाजरिका, केशव महन्त, जगेन महन्, डा० रज पेगु, जयन्त मल्लवरवा आरो अजन्ता नेउगा अहागो लायो। ७

### बिपिएफ आरो इउपिपिएलखौ खौसे जानो खावलायनायखौ बारग' मन्थि प्रमिला रानी ब्रह्मआ बरायदों

आफाद (एबसु) आ खावलायनायखौ मैया मंगलबारखालि इउपिपिएल दोलोनि दैदेनगिरि आरो सान्जा कक्राझार बिधान सभा बि्याबनि एमएलए लरेन्स इस्लारिआ उदाँ हेफाजाब होनायनि उनाव दिनेँ बिपिएफ दोलोनि गागि दैदेनगिरि आरो बारग' मन्थि प्रमिला रानी ब्रह्मआ हारिनि सार्थंआव बर' ओन्सोलारि रजखान्थि दोलोफोरखौ खौसे जानो एबसुनि आफादगिरि दिपेन बर'आ खावलायनायखौ आं बरायदों होन्ना मिबथिहोयो। नाथाय बिथाड बिपिएफ आरो इउपिपिएलखौ खौसे खालामनायनि थांखि लानो बर' माहारियारि आफाद जैरे- बर' थुनलाइ आफाद, बर' समाज बायदि आफादनि बिबुंथि लानानै सावरयलायनो थाखाय बिबुंथि होदों। बिथाड लोगोसे एबसुनि आफादगिरि दिपेन बर'आ गोथार आरो गोगो सान्नाय-हनायजों मोनै दोलोखौ खौसे जाहोनो नागरिदोंब्ला, बिथाड रइजो-रजाफोरनि अन्सायनाय मोनगोन। जाँ एबा बिपिएफआबो खौसे जानो लुबैदों। नाथाय थाखोमा-थाखोमा सिडव रजखान्थि खालामोब्ला जानाय नडा। बेबादि खालामोब्ला, रइजो-रजाफोरनिफ्राय साव मोनगोन। खौरं बिजोनि सिगाडव प्रमिला रानी ब्रह्मआ एबसुआ जाँनि फिसा, आंबो एबसुआनोमोन। एबसुजों लोगोसे थानानैनो सोमावसारदों आरो खेबन्ने एमएलए जादों। एबसुखौ आं गाजि मोना होन्नाबो बिथाड मिबथिहोदों। बिथाड थानाय बिटिसि बिसायख 'थियाव प्रमद बर'आ हाग्रामा महिलारिजों सरकार दानो सिगांबोदोंमोन, नाथाय दुखुनांथावै हर गेजेरवनो थांखिखौ सोलायनानै गुवाहाटीनि लिलि हटेलआव थाहेनानै बिजेपिजों सरकार दादों। बे समावोनो सानेबो गोरोबलायनानै बिटिसि सरकार दायोमोन्ब्ला दिनेँ गावसानाया जानाय नडमोन। बेनि अनगायै एबसुआ इउपिपिएलजों लोगोसे थानानै खामानि मावनाय नुनानै बिएसइउ (बड'लेण्ड स्टुडेन्ट इडनियन) आरो बनसु (बड' नेसनेल स्टुडेन्ट इडनियन) जोनोम जादों। बे आफादफोरखौबो खौसे खालामनांगोन। गुबुन फारसे आसाम बिधान सभानि बुंथिगिरि बिश्वजित दैमारीखौ इयुननि समाव बिटिसिनि गाहाइ मावफुं सोद्रोमा मासियाव थाहोनो बिजेपिआ बिथांखि लानायनि सोमोन्दै प्रमिला रानी ब्रह्मआ बेयो बारव ओंखारनाय बाश्रा जानो हागौ। मानोना बुंथिगिरिनि मानआ मन्थिनिफ्रायबो गोजौआव। बिश्वजित दैमारीआ बेबायदि रजखान्थि खालामगोन होन्ना आं साना होन्ना बुडो। ७

### बड'लेन्डनि गिबिसिन् मुंखं सुजित नार्जारिनि गोसोखांथियाव

#### सावराय न'ब्लां लुफुंनो लाइ खुन्थिया गायसन्दों

गेजेरजों लाइ खुन्थिया गायसन्नाय जायो। बरमा हिन्जावसा गोजौ फरायसालिनि गाहाइ फोरंगिरि देउबार रामचियारिआ न' लुफुंनयनि गुबै खुन्थियाखौ गायसन्नायखौ गोथारै बेखेवनानै होयो। 89 लाख रं जाँ लुफुंजानो गोनां बड'लेन्ड सोमावसारनायनि गिबिसिन् मुंखं सुजित नार्जारिनि गोसो खांथियाव सावराय न'ब्लां लुफुंनयनि लाइ खुन्थिया गायसन्नायाव बरमा आन्सलिक दुलाराय बर' फरायसा आफादनि आफादगिरि अन्सुमा बर', लोगो आफादगिरि सेमल बसुमतारि, गाहाइ नेहाथारि महन्त बर'जों लोगोसे सोद्रोमाफोर, बरमा गुदि बर' थुनलाइ आफादनि आफादगिरि उमेश चन्द्र बर', लोगो आफादगिरि गुनाराजा बसुमतारि, खोरमेसार बसुमतारि, नेहाथारि गनपति सोयं बर', बारग' आफादगिरि गदाधर बर'जों लोगोसेनो ओन्सोलनि सुबुंफोरा बाहागो लानो होयो। मख 'नो गोनांदि, थानाय 4 आगस्टआव बिटिसिनि गाहाइ मावफुं सोद्रोमा प्रमद बर'आ मोनसे गोथार हाबाफारिनि गेजेरजों बड'लेन्ड सोमावसारनायनि गिबिसिन् मुंखं सुजित नार्जारिनि गोसोखांथियाव सावराय न'ब्लां लुफुंनो थाखाय लाइ खुन्थिया गायसन्नायखौ बेखेवन्नेदोंमोन। ७

### स्मार्टमिटारआव बिल बांनायनि हेंथायै फोरमान होब्लानो राहा लानाय जागोन: पियुष हाजरिका

सायाव बिबुंथि होयो। आसाम बिधान सभानि लांगोनायाव खौरं बिजोनि सिगाडव मन्थि पियुष हाजरिकाआ बुडोदि, गोलोम बोथोर समाव मानसिफोर फ्रिज, एसि, फेन बांसिने बाहायो बेनिखायनो मोब्लिब बिलआबो बांसिन फेनाया सरसनस्त्रा बाश्रा। मन्थिआ बुडोदि, जायफोरा स्मार्ट मिटारनि जेनाखौ लाबोदों बिसोरखौ मोनसेल' बाश्रा खावलायहरगोनदि, बे बोसोरनि आरो बेनि नै बोसोर सिगांनि गांथाम बिलखौ लानानै फे, अब्लानो गासैबो बाश्राया सोराडव फेगोन। मन्थिआ आगस्ट दानाव बिल बांनायनि बाश्राया मानो ओंखारो बेनि जाहोनखौ गुवारै फोरमायथियो। बिथाडा बुडोदि, गोलोम बोथोरव मानसिया फ्रिज, एसि बांसिने बाहायो। टिंथि बाहायो, फेन बाहायो। बेनिखायनो गोलोम बोथोरव मोब्लिबनि बिल बांनाया सरसनस्त्रा बाश्रा। नाथाय स्मार्ट मिटारनिफ्राय बिल बांदों होन्नानै दासिमबो फोरमान जायाखै होन्नानै मन्थिआ फोरमायो। बेनिखायनो सिगां बोसोरनि एप्रिल,मे, जुन जुलाइ आरो बेनि सिगां बोसोरनि एप्रिल, मे, जुन, जुलाइ आरो बे बोसोरनि एप्रिल, मे, जुन, जुलाइ बे मोनथाम बोसोरनि गासै दानब्रैनि बिल लानानै बिल बांनायखौ दिन्थिफुंनो खावलायो मन्थि पियुष हाजरिकाआ। बिथाडा बुडोदि, सरसनस्त्रानिखुइ बांसिन बिल बांनायखौ दिन्थिफुंनो होनो हायोब्ला थाबैनो राहा लानाय जागोन। ७

### कक्राझारनि साइ स्टेडियामाव खुंनाय 133 थि इरान्द काप फुटवल

#### वादायलायनयनि क्वार्टर फाइनलआ खुंफुंजावाय

73 मिनटआव गलने गल सोनो हायो। भारतआरि रैनिया हान्जानि बान्जानयायाव आसाम आरो बिटिसि सरकारनि हेफाजाबाव नैथि खेबनि थाखाय 133 थि इरान्द कापखौ कक्राझारआव खुंनाय जायो। ओन्सोलारि फुटवल हान्जा बड'लेण्ड एफसिआ बे खेबावबो क्वालिफाइ जानो हायाखैब्लाबो फेगौ समाव गोखों नाजागोन होन्नानै आसाम फुटवल आफादनि नेहाथारि ७ सांघां ब्रय्मआ फोरमायो। ७

( 1 बिलाइनफ्राय)

## प्रबिन मुसाहारिआ रं लानायनि अजदआव हमजादों

प्रबिन मुसाहारि। मिबथिनो मोन्नाय बायदिब्ला, नायबिजिरसं हान्जाया दासिमबो मावख'आव संदानगासिनो दड। अजद मोन्नाय बायदिब्ला, मुसाहारिआ सासे सुबुंनिफ्राय ससाइटि रेजिस्ट्रेसननि मुंआव 50,000 रं गुस बिदोंमोन। बेनिनो बाहागो महरै दिनेँ 10,000 रं लाफुबाय थानाय समावोनो जर'खा नायबिजिरसं हान्जानि आखायाव मोगा-मोगि हमजानो गोनां जायो। ७

### धुबुरिआव साखि होनायनि

#### मुडाव लाख-लाख रं जाख्ल 'दों

लानायनि असिला दिन्थिनानै रहित सरकारआ चेन्ट्रेल जिएसटिनि मुडाव नंखाय सिल बायदि बानायनानै सहरनि गोबां लाइमोनफोरनिफ्रायनो 4-5 रोजा रडै लादोंमोन होन्ना अजद सिखांदों। रहित सरकारआ गथायनाय साखिनि थिसन्थाइ मोनो हानाय गोबां लाइमोनफोरनो दिनेँ हालाय-हाफाय जानांदों। रं गथायनाय गोबां लाइमोनफोरखौ रहित सरकारआ नंखाय थिसन्थाइलाइजों थिसन्थाइ होयो उनाव पुलिसआ खौरं मोन्नानै रहित सरकारनि न'आव थाना हमनानै लाययो। साखि होनायनि मुडाव गोबां लाइमोनफोरनिफ्राय बे थगायसुला रहित सरकारआ 5 निफ्राय 10 रोजा रांसिम लानायनि अजद सिखांदों। रं लानानै गोबां लाइमोनफोरनो नंखाय थिसन्थाइ लाइबो होयो। सिगाडव थिसन्थाइनि अक्टखौ 20 आगस्टआव खालामदोंमोनब्लाबो माखासे टेक्निकेल जाहोन दिन्थिनानै अक्टखौ सोलायनाय 21 आगस्टआव धुबुरि चेन्ट्रेल जिएसटि मावख'आव थानानै थिसन्थाइ लानो लाइमोनफोरखौ खावलायो। बुधवारआव गोबां लाइमोनफोर रहित सरकारआ थिन्नाय बायदि थिसन्थाइ लाइखौ लानानै चेन्ट्रेल जिएसटि अफिसआव थानानै थगायसुला रहित सरकारनि गुबै आखुखौ मिबथिनो हायो। लाइमोनफोर धुबुरि आरके मिसन रडआव थानाय रहित सरकारनि न'आव थानानै दावराव-दावसि खालामहैयो। उनाव पुलिसआ जाथायसालियाव थानानै थगायसुला रहित सरकारखौ हमनानै लाबोयो। थगायसुला रहित सरकारनि न'आव नंखाय थिसन्थाइ लाइ, सरकारि सिल-स्टमफोरखौ बोखांनो हायो। बे जाथायनि सायाव पुलिसआ नायबिजिरसंनारखौ जागायजेनबाय। ७

### मोब्लिबनि जेना, दै बाना, हा खुरखानाय बायदि

#### जेनाफोरखौ सुसानायनि दाबि दैखांदों

गाहाइ नेहाथारि साहादत हुसेन आरो नुर नवि, मिरु आफादआरि नेहाथारि साइफुल इस्लाम खानजों लोगोसे आफादनि मोनसे थान्दै हान्जाया सालबारि हम्कुमागिरिनि मावखुलियाव मावफुं मेजिस्ट्रेट निलांकर दासनि आखायाव गिबि मन्थिनिमिस गथायनाय गोसोखौ बिलाइयाव मख'नाय जादोंदि, मोब्लिब बिफानआ स्मार्ट मिटार फोनांजाबनानै रइज्योनि मोब्लिब बाहायगिरिफोरखौ जेना सोमजिहोदों आरो बाहायगिरिफोर मोब्लिब बिल बांनायनि थाखाय मोगा-मोगि जानांदों। स्मार्ट मिटारखौ बन्द' खालामनानै गोजाम मोब्लिब मिटारखौ थि लाखिफिन्नायनि दाबिखौ गोसोखां बिलाइयाव मख'नाय जादों। गुबुन फारसे आसामाव सदियायनिफ्राय धुबुरिसिम आरो थेमाजिनिफ्राय करिमगन्जसिम दै बाना आरो हा खुरखानायाव खहा जानाय एबा न' गैजायै जानानाय नख'ररिनो नांगौबादि खहा सुफुंनो आरो फिन फसंफिन्नायनि राहा लानाय। हा खुरखानाय जेनाखौ गोदान मुगानि बिगियानआरि राहाजों सुफुंनयनि दाबि दैखांनय जादों। गोसोखां बिलाइयाव आसाम सरकारआ होखाखसंनायाव दरं जिल्ला धलपुरनि होखारजानाय नख'र आरो हजाय जिल्लानि होखारजानाय नख'रजों लोगोसे आसामनि गुबुन गुबुन ओन्सोलनि होखारजानाय हा गैयै नख'रफोर सरकारि अन्सुंथायनिफ्राय जानागाराव थानानायफोरखौ सरकारि महरै हा गथायनायनि दाबि दैखांदों। गुबुन फारसे सोलिफु बोसोरनि 21 जुनआव नगाव जिल्लानि थिंवारि सापरिआव हाग्रा मावफारियानि गुलियाव जिउ गोमानाय सानै ना हमग्रा बिदा-फंबाय आबुल जलिल आरो समिर उद्दिनि साफ्रोम नख'ररिनो सरकारआ 10 लाख रंयै एककालिन अन्सुंथाय गथायनानै जाथायनि थि संदानायनि थाखायबो गोसोखां बिाइयाव दाबि खालामदों। बेनि अनगायैबो रइज्योनाडै गोमखौहोनाय जाहांगिरि आलमखौ बुथारनाय जाथायखौ सरकार आ थि संदानानै नख'रखौ बिजिरशाय होनाय आरो जाहांगिरिनि नख'रनो 10 लाख रं एककालिन अन्सुंथाय गथायनायनिबो अजद दिखांदों। ७

### मुदैबारि बिटिसि बियाबखौ इउपिपिएलआ बोखानोब्ला हारोंथाय गोनां

#### बिजाथिनो दोलोआ टिकेट गथायनांगोन: सांघां रइजो-राजा

आफाद दानायनि गेजेरजों बिसायख'थिनि साखा-फाराआ जागायजेनबाय। मख'नो गोनांदि, 17 बोसोर नाडै हाग्रामा महिलारि खुंनाय सरकार आरो आधिखालाव प्रमद बर' दैदेन्याय जुथाय दोलो सरकारनि सानाव 35 नं. मुदैबारि बियाबआव अगप, बिपिएफ आरो बिजेपिनि उनाव बे खेबाव जेब्ला इउपिपिएल दोलोआ बियाबखौ बोखांनो नागिरोब्ला बे बियाबआव हारोंथाय गोनां आरो समाजआरि बिबान गोनां सुबुंफोरजों अन्सायजानाय सुबुं दैदेनगिरिनो दोलोआ टिकेट गथायोब्लासो बे बियाबखौ बोखांनो हागोन। जायनि अनगायै दोलोआ बियाबनि बायजोनि एबा बियाबनि सिडव थानाय हारोंथाय गैयै एबा गनायजायै दोलोनि बिजाथिआ दोलोनि टिकेट मोनोब्ला गुबुन माबेबा राजखान्थि दोलोआ दरखल खालामनाया रोखा जागोन होन्ना सावरायजादों। सांघां रइजो-राजाफोर खौरंगिरिनो फोरमायथिदोंदि, हारोंथाय गोनां बिजाथिनि गेजेरजोंसो बियाबखौ जौगाखां होनो हागोन। बेनि थाखायनो इउपिपिएल दोलोआ दोलोआरि टिकेटनि थाखाय हालाय-हाफाय जायालासेनो दोलोनि मुलाम्फानि बाश्राखौ सानानै दोलोआरि खामानियाव नांथाबनानै थानायनि सोलायै, दोलोनि गेजेरवनो सासे मोनो हाथाव हारोंथाय गोनां बिजाथिखौ सायख'नानै बियाबखौ बोखांनयनि बाश्राखौ सानाया गोनांथार होन्नानै मख'दों। ७

## थार बोसोन, थुलुंगानाय आरो रोखा फोरमाइथाय मोनग्राया गोरलैयैनो थांखियाव जाफुंसारो: प्रमद बर'

बेखेवनायखौ नुनो मोन्दों। बिटिसिनि आइन आफादनि सावराय न'ब्लांआव मोनसे मख'जाथाव हाबाफारियाव बिटिसिनि गाहाइ मावफुं सोद्रोमा प्रमद बर'आ byem.bodoland.gov.in मुनि मोनसे वेबसाइटखौ बेखेवनानै होयो। बेनि उनाव गावनि बिबुंथियाव गाहाइ मावफुं सोद्रोमाया बे हाबाफारिया बड'लेन्ड ओन्सोलनि लाइमोन सेंग्रा-सिख्ताफोरनि जौगाखांहोनायाव हेफाजाब खालामगोन आरो थिसन्थाइनि हारोंथाइखौ बांहोगोन होन्ना फोरमायो। माखासे फरायसा-फरायसुलिफोर गोबां दुखु-खस्थ खालामनानैब्लाबो सैथो आरो थार लामाखौ लानो रडेइआव आरो फोरमाइथायनि आंखालाव गाव-गावनि सिमांखौ जाफुंहोनायाव फेलें जानो गोनां जायो। जायनि जाहोनाव गोबां लाइमोनफोरनो थांखि गैयै जानाडे। बेनिखायनो बिटिसिआ आधिखालाव लाइमोनफोरखौ थिसन्नायनि थांखिनि गेजेरजों हाबाफारि नाजावनाया गोबां फरायसुला-फरायसुलिफोरखौनो मुलाम्फा खालामगोन होन्ना गाहाइ मावफुं सोद्रोमाया मिजिं फोरमायथिदों। बड'लेन्डनि लाइमोन थिसन्थाइ हाबाफारि जाफुंसार खालामनो थाखाय बिटिसिनि मोनब्रे जिल्ला- कक्राझार, चियं, बाक्सा तामुलपुर आरो उदालगुरिनि गं 25 फरायसालिमा आरो गोजौसिन गेजेररि फरायसालिखौ बे बिथांखिनि सिडव हमफानाय जादों। मख'जानाय सोलेंथाइ फसंथानफोराव आखा-फाखा फोरंगिरि आरो सरकारि खोन्देनि गोजौ थाखोनि नायसंगिरिफोर मिरु आरो रइज्यो सरकारनि गुबुन गुबुन साखिनि आन्जादआव जिरायनो थाखाय आखा-फाखा खालामनो फोरोंथाइ होनो थाखाय बे फोरोंथाइ मिरुआव राहा लानाय जागोन। सप्ताहनि कौबनाय फारसै एबा शनिवार आरो रबिबारआव फोरोंथाइ होनायनि राहा खालामनाय जागोन। बे कचिंआव मिरु सरकार, रइज्यो सरकार, बिटिआर सरकार लोगोसे बेकिं रेलेवे आरो रैखाथि बिथिनि उथि आरो 4थि थाखोनि साखिनि थाखायबो फोरोंथाइ होनाय जागोन। बेजों लोगोसेनो फेबाय थानाय समाव बिटिसिनि मोनफ्रोमबो फरायसालिमाफोरवनो खमैबो सानै, मोनथाम स्मार्ट थाखो खथा साखा-फारा खालामनानै फरायसुला-फरायसुलिफोरनि गावसोरनि सोलेंथाइ नाजावनायाव हेफाजाब खालामनाय जागोन होन्ना खौरं बिजोनि गेजेरजों बिटिसिनि गाहाइ मावफुं सोद्रोमा प्रमद बर'आ फोरमायनानै मिरुआव, रइज्योआव उथि आरो 4थि थाखोनि थाखाय लादां जानानै थानाय मासिनि फोसावथाइ होयोब्लाबो जौनि गोलैसोनाय ओन्सोलनि गोबां बेखार लाइमोनफोर रोखा बोसोन थुलुंगाखां, रंखाथिनि आंखाल एबा थार फोरमाइथायनि आंखालाव गुबै थांखियाव जाफुंसारनायाव हेंथा मोनो गोनां जायो। बै फरायसाफोर जाहाथे गावसोरनि थार थांखियाव जाफुंसारनो हायो बेनि फारसै नोजोर लाखिनानै 'बड'लेन्ड लाइमोन थिसन्थाइ मावथांखि' मुडै' बे बिथांखिखौ बेखेवनायनि थांखि लानाय जादों होन्ना गाहाइ मावफुं सोद्रोमाया मिबथि होबावदों। हादतनि उथि आरो 4थि थाखोनि आन्जादआव जाहाथेजौनि लाइमोनफोर गोलैयैनो उथिसारनो हायो बेनि थाखायनो बे राहाखौ खालामनाय जादों होन्ना गाहाइ मावफुं सोद्रोमाया फोरमायदों। लाइमोन फरायसाफोरखौ थुलुंगाखां होनायाव आजिर मोन्नाय फोरंगिरि, बिबुंगोर, फाहामगिरि इन्जिनियरफोरखौ बाहागो लानानै फोरोंथाइ होनायाव खौसेयै नाजानानै सानसे बेखार लाइमोनफोरनि जेनाखौ फोजोबसांनो हागोन होन्ना बे बिथांखिनि गेजेरजों उथि आरो 4थि थाखोनि बिजाथिफोर आन्जादआव बाहागो लानानै जाफुंसारनो हायो बेनो गुबै थांखि आरो नोजोर होन्ना गावनि बिबुंथियाव फोरमायबावदों। दिनेँनि बे बेखेवनाय हाबाफारियाव बिटिसिनि आइन आफादनि बुंथिगिरि कातिराम बर', मावफुं सोद्रोमा उडलसन हास्ता, बारग' एमएलए सन्दि बसुमतारि, सोलेंथाइ बिफाननि सामलायगिरि जगदिश प्रसाद ब्रह्मआबो बाहागो लानायजों लोगोसेनो बिटिआरनि गं 25 सोलेंथाइ फसंथानफोरनि गोरयुं, फोरंगिरि, फरायसाफोरबो बाहागो लानो हानायखौ नुनो मोन्दों। ७

### स्मार्टमिटार फज 'नानै बिजेपि सरकारआ

#### रइज्योफोरनिफ्राय लुथिदों: गौरभ गौ

रगा जांखांनयखौ नुनो मोन्दों। आसामनि गुबुन गुबुन ओन्सोलफोराव कंग्रेसनि दोलोनि फसंथानआरि हाबाफारिफोराव बाहागो लानानै बुधवार सान्जौफुआव गहपुरनि दुबिआव एमपि गौआ नुजाथियो। गौआ स्मार्ट मिटारनि हेंथायै गोखों रगा जौनाय फोरमायनानै गावनि गोजोन्नाय गैयै बिबुंथिजों रइज्योनि सायाव जाबसिन्नानै होनाय दाहारनि बजाखौ सुख'नो थाखाय बिजेपि सरकारआ स्मार्ट मिटारखौ फज 'नानै होदों होन्ना अजद दैखाडे। कौटि-कौटि रं दाहार लानानै दामि-दामि प्लाइअभार बानायबाय थानायनि जाहोनाव माखासे जर'खा तिकादार आरो माखासे रजखान्थिगिरिफोरा' मुलाम्फा जादोंब्लाबो बे दाहारनि बजाया आसामनि सरसनस्त्रा रइजोफोरनि खरआवसो गोरलेंदों होन्ना गौआ अजद दैखांबावदों। बेनि अनगायैबो एमपि गौआ फोरमायबावनाय बायदिब्ला, बे सरकारआ दुखुथिया सुबुंफोरनि सरकार नडा, माखासे धोनि सुबुं आरो तिकादारफोरनिल' सरकार, बे सरकारनि समाव धोनि सुबुंफोरनि रंखान्थियाल' सिगांनिखुइ साबसिन जादों, नाथाय सरसनस्त्रा सुबुंफोर बेसेन बांनायजों हालाय-हाफाय जानांदों। गुबुन गुबुन बिजोनि खाजोना बांनाय, जाग्रा आदारनि हमथानो हायै बेसेन बांनाय बायदि बिन्थियानो बिजेपि सरकारनि फेलें जानाय रंखान्थिनि बिदिन्थि होन्ना एमपि गौआ मिबथि होबावदों। आसामनि गुबुन गुबुन ओन्सोलफोराव उदांसि सानआव बिफानआ एबा दोन्नानै रइज्योनि रैखाथि थासारिखौ गुबुंले खालामनायाव रइज्यो सरकार आरो नख'र बिफानआ फेलें जानायनि मोनसे मोगथां बिदिन्थि होन्ना रोखा फोरमायो। कंग्रेसनि सिडव मा जागासिनो दड बेखौ खौरं लानो थाखाय हिमन्त बिश्व शर्माखौ आसामनि रइजोफोर गिबि मन्थि खालामाखै होन्ना सोंखारिनानै एमपि गौरभ गौआ गिबि मन्थिखौ कंग्रेसनि इसिंनि खौरं लानायखौ नागरानानै आसामनि आइन खान्थिखौ फोजौखांनयाव गोसो होनो खावलायदों। गुवाहाटी नोगोरमायाव सोमजिनाय दै बानानि सोमोन्दै एमपि गौआ फोरमायनाय बायदिब्ला, बै समाव जेब्ला हिमन्त बिश्व शर्माआ गुवाहाटी जौगाखां बिफाननि मन्थिमोन गुवाहाटीनि दै बानानि जेनाया बे समावबो दडमोन। आधिखालाव जाय गुवाहाटी जौगाखां बिफाननि मन्थि बिबो गिबि मन्थिनिनो खाथिनि सोमोन्दो गोनां। सासे मन्थिआ गुवाहाटी नोगोरमानि जेनाखौ सुखांनयनि सायाव गोनांथि होयालासेनो गावनि कम्पनीनि मुडाव नामि-दामि न' बिल्डिं लुफुंनयनि सायावसो गोसो हागासिनो दड। गौआ फोरमायबावनाय बायदिब्ला, रजखान्थिया गावखौ धोनि खालामनायनि बिजों जानो नाड रजखान्थिखौ रइज्योखौ सिबिनायनि बिजोंसो बाहायनांगो। नाथाय बिजेपिआ आधिखालाव बे आदर्शखौ नेवसिनानै रजखान्थिनि गेजेरजों धोन आरिजनायनि नारा-नाथाद बादायलायनायावसो मुखुब जानानै दड। आसाम प्रदेश कंग्रेस कमिटीनि बारग' आफदगिरि, आसाम सरकारनि बारग' मन्थि रिपुन बरुआ कंग्रेस दोलोआव फेफिन्नायनि सोमोन्दै सांथि सौनायाव एमपि गौआ रिपुन बरुखौ कंग्रेस दोलोआ गनायनानै लानायाव जेबो हेंथा गैया होन्ना फोरमायो। मख'नो गोनांदि, एमपि गौरभ गौआ बिहालीनि उग्र बिसायख'थिखौ लानानै बुधवारआव मोनसे सावरयलायनायाव बाहागो लायो। बिस्वनात जिल्ला कंग्रेस मावख'आव एबा रजिब भवनआव बे सावरयलायनाया खुंफुं जायो। बे सावरयलायनायाव स्मार्ट मिटार एबा सरकारि फरायसालिखौ बन्द खालामनाय बे गासैबोनि गुबै जाहोनखौ गिबि मन्थि ७ हिमन्त बिश्व शर्मानि सायाव जाबसिन्नायखौ नुनो मोन्दों। रभनआ जैर अहंखारि थाखायनो जेनादोंमोन बेबायदिनो बिजेपि सरकारआबो अहंखारि थाखायनो सानसे समाव जेनांगोन होन्ना एमपि गौआ गावनि बिबुंथियाव फोरमायदों। ७

### दोलोयारि नेसोन गैया लासेनो बे खेबाव रजखान्थि उदां पन्चायत बिसायख'थि खुंगोन: रजित दास

जागायथाय बिफानआ। गुबुन फार्सेथिं, रेसन कार्ड थानाय सुबुंफोरनि थालांनय नख'रनि सोद्रोमाफोरखौ थाबैनो रेसन कार्डआव सोस'नाय जागोन होन्नानै रजित दासआ फोसावो। बिथाड बुडोदि, अपारेटरनि गोरैन्थिनि थाखाय रेसन कार्डआव रइज्योनि गोबां नख'रफोरनि सोद्रोमाफोर थालांदों। नख'रनि गासैबो सोद्रोमानि मुं सोसन्जयाखै। बे बिथिडव सरकार गोखों नोजोर होदों आरो थाबैनो थालांनय सुबुंफोरनि मुंखौ सोसन्नाय जागोन। लोगोसे बे बिथिडव आधिखालाव जिल्ला बेंगिरिफोरनो बिथोन होनाय जादों होन्नानै मन्थि रजित दासआ बुडो। रइज्योआव 40 लाख धोनि सुबुंफोर रेसन कार्ड सपरेन्डार खालामदों। गासैखौबो ज' खालामनानै गासै 50 लाख रेसन कार्ड बोखासनाय जादों होन्नानै मन्थिआ बुडो। दानिया रइज्योयाव रेसन कार्डनि गासै अन्जिमाया गासै गां 66,25,917 होन्नानै मन्थिआ मिथिहोयो। खौरंगिरि मेलाव बिजेपिनि काचार जिल्लानि आफादगिरि बिमलेन्दु रय, रइज्योआरि साहा निगमनि मासिगिरि रजदिप गवालाआ बाहागो लायो। ७



# अक्षय कुमारनि 'खेल खेल में' सावथुननि 6थि साननि कालेक्शनआ गोमोथाव जादौं

बोसोरसेआव मोनब्रै सावथुन खालामग्रा फावखुंगुर अक्षय कुमारनि सावथुनआ बे समाव ग्रह नांदौं। बिथाड जेखि सावथुन लानानै फैया मानो थिएटरआव नायगिरिफोरखौ मिनिहोगासिनो दड। नाथाय अब्लाबो बिथानि सावथुनआ बक्स अफिसआव दावखलायगासिनो दड। बिथानि बावैसो सिगां रिलिज जानाय सावथुन 'खेल खेल में' आ मोजां पारफर्म खालामनायाव फेलें जादौं। बक्स अफिसआव मंगरबारनि बे सावथुननि कालेक्शनआ जोबोर गाजि जादौं। बलिउडनि खिलाडी



अक्षय कुमारआ माल्टिस्टार सावथुन 'खेल खेल में' जौं नायगिरिफोरनि सिगांआव माखासे गोदान दिन्थिनो

नाजादोमोन, नाथाय बिथांमोननि बे नाजानाया फेलें जादौं। बे सावथुनआ नख 'रारि' आरो वर्ल्डवाइड मोनैआवबो मोजाडै पारफर्म खालामनो हायाखे। रिलिज जानायनि बाथि सानाव 'खेल खेल में' सावथुनआ

खुनुरुखुमै रं आरजिदोमोन, नाथाय वारिक डे मंगलबार फेनाय लोगो लोगोनो सावथुनआ बक्स अफिसआव जिगा सिनांनया जादौं। रिपर्टनि बायदिब्ला, रिलिजनि 6थि सानाव खेल खेल में सावथुनआ

नख 'रारि' बक्स अफिसआव गासै 1.1 कौटि रं आरजिदौं। अक्षय कुमारनि सावथुन 'खेल खेल में' आ नख 'रारि' बक्स अफिसआव लासै लासैसो दावखोगासिनो दड। बे सावथुना दासिम इन्डियान बक्स अफिसआव नेट कालेक्शनआ 17.15 कौटि रं जादौं। 6थि साननि गेजेराव जे बायदि सावथुननि बिजनसआ गोरलैदौं, बेखौ नोजोर होनानै हमादौंनो हायोदि, सावथुननि थाखाय डमेस्टिक बक्स अफिसआव 50 कौटि रं आरजिनांगौआ जोबोर गोब्राव। वर्ल्ड वाइडआवबो सावथुनआ फेलें जादौं, मानोना मुलुगनाडे अक्षय कुमारनि सावथुनआ 26.8 कौटि रं आरजिनो

## दिपिका पाडुकणआ बिहाव-बिखुन्जो जौं लोगोसे डिनार डेटआव थांदौं



दिपिका पाडुकण आरो रणबीर सिंहआ थाबेनो गावसिनि गिबि गथ 'खौ' बरायसिगोन। जेब्लानिफ्राय दिपिकाआ गावनि प्रेग्नेन्स जानायखौ मिथिहोदौंमोन बेनि उननिफ्रायनो अन्सायगिरिफोरनि गेजेराव एक्साइटमेन्टआ बांदौं। बावैसो सिगां फावखुंगुरिखौ गावनि बिखुन्जो-बिहाव आरो बिबोनांजौं लोगोसे डिनार खालामनाय नुनो मोन्दौं। गोसोम गावनि अभा रसाइजनि आउटफोर्टआव दिपिकाखौ जोबोद समायना नुदौं। बेनि गेजेरजौं बिथानि मोखाडव इसे मिनिनायखौबो नुनो मोन्दौं। बेनि अनगायैबो बेडमिन्टन गेलेगिरि लक्ष्य सेनजौं लोगोसेनो दिपिका पाडुकणनि बन्डिखौ नुनो मोन्दौं। बे भिडिअआ जोबोद भाइरेल जागासिनो दड। दिपिकाआ सेप्टेम्बर दानआवोनो गिबि गथ 'जोनोम' होगोन। ससेल मिडियाआव जाय भिडिअआ बाइरेल जागासिनो दड-बेयाव दिपिकाखौ लक्ष्य सेनजौं मिनिज्जालयनाय-जंखायलायनाय नुनो मोनगोन। बेनि गेजेरजौं फावखुंगुरिआ गोसोम गावनि अभा रसाइज जेकेट आरो मेचिं वाइड लेग ट्राउजर गान्नायमोन। दिपिकाखौ आखाइ फासेजौं गावनि बेबि बाम्पखौ लाखुमानाय नुनो मोन्दौं। दिपिका पाडुकणआ फेब्रुवारी 2024 आव गावनि प्रेग्नेन्स जानायखौ मिथिहोदौंमोन आरो बे समनिफ्रायनो लाश्रियै सावरायनायाव थादौं। अन्सायगिरिफोर बेबि फेगोनखौ नेनानै दड। पेरिस अलिम्पिकआव मेन्स सिंगल बेडमिन्टनआव ब्रन्ज मेडेलनि थाखाय गेलेनाय लक्ष्य सेनआ जेनायजौं मोगा-मोगि जानांदौंमोन। जाफुसरेनि जाउनावबो रणबीर सिंआ 22 बोसोर बैसोनि गेलेगिरिखौ मदद होदौंमोन। लक्ष्यआ हौवासा बेडमिन्टनआव अलिम्पिक सेमिफाइनलआव सौहैनो हानाय भारतनि गिबि शाटलर महैर जासिमिन सोरजिनो हादौं।

## कलकाताआव रानी मुखार्जि आरो काजलनि फंबाय सम्राट मुखार्जिखौ ग्रेप्टर खालामदौं

रानी मुखार्जि आरो काजलनि फंबाय (बिबथैनि फिसज्जला) आरो बांगलि फावखुंगुर सम्राट मुखार्जिखौ कलकातायाव ग्रेप्टर खालामनाय जादौं। बे ग्रेप्टर खालामनाया मंगलबारखालि फुडव खोला-सोनाव कलकातानि बेहाला ओन्सोलाव मोनसे जाथायनि उनाव जादौंमोन। अदेबानि बिसोरनि कारआ गोब्राबै गंसे मटर साइके लजौं सौग्रावलायदौंमोन। पिटाइनि बादिब्ला, बेहालानि बिद्यासागर कलनीनि थागिबि 27 बोसोर बैसोनि मटरसाइके ल सालायग्राखौ गिबिआव एम आर बांगुर देहा फाहामसालिआव लांनया जादौंमोन, नाथाय उनाव इयुनिनि फाहामथायनि थाखाय बिथांखौ एसएसकेएमआव लांनया जादौं। बे गिखुंथाव जाथायखौ लानानै सम्राटनि नायबिजिरनाया सोलिगासिनो दड। बाइक सालायग्राया जाथायनि सोमोन्दै सावरायनानै बुंदौंदि, बिसोर मोनानि 12:30



रिंगासोआव न'फारसे फेफिनगासिनो दडमोन। बे समावनो गोसोन्थि लामाजौं गोखैयै फेनाय गंसे कारआ बिसोरदौं सौग्रावफेदौं, जायनि जाहोनाव बिसोर जेबो हुस गैयै जादौं। जाथाय जानाय जायगायाव थानाय नुग्रा सुबुंफोर मिबथि होदौंदि, सम्राट मुखार्जिआ बेहाला लामनिफ्राय टालिगन्ज फारसे थांगासिनो दडमोन, जेब्ला बिथाड हरखाबै गावनि सालायनायाव कन्ट्रल लानो हायाखेमोन। बेनिखायनो

बिथानि गारिआ मटरसाइकेलजौं सौग्रावहैदौं। मटर साइकेलजौं सौग्राव लायनायनि उनाव बिथानि कारआ साखाथिनि मोनसे न'आवबो सौग्रावहैदौं, जायजौं न'नि बाउन्डरि वालआ डेमेज जानो गोनां जादौं। आथिखालाव जाथायनि सायाव नायबिजिरनाया सोलिगासिनो दड। बेहाला पुलिस स्टेशनआ सम्राटनि गारिखौ जब्द खालामबाय। मंगलबार 20 आगस्टआव बिथांखौ कलकातानि आलिपुर कर्टआव

दिन्थिनया जादौं आरो बिथांखो 23 आगस्टसिम पुलिस बेंखनाव दैथाय हस्ताय जाबाय। सम्राटआ काजल, रानी मुखार्जि, तनिषा मुखार्जि आरो ब्रह्मास्त्र सावथुननि डायरेक्टर आयान मुखार्जिनि फंबाय। बिथाड रम और श्याम, भाई भाई, जंजीर बायदि सावथुनफोराव खामानि मावदौंमोन। बेनि अनगायैबो बिथाड 'तपेश्या' काका नम्बर 1 आरो आकाश कुसुम बायदि बांगलि टिभि स्व'आवबो बाहागो लादौंमोन।

# गाहाम देहानि राहा

## देहाखौ मोजाडै लाखिनो आरो गासैबो अंगफोरनि थाखाय देहाखौ डिटक्स खालामनाया गोनांथार

आथि खालाव मोनसे गाजि जिउ खुनायखौ समानथि खालामनो लुबैयोब्ला सप्टाहयाव खेब 1-2 डिटक्स दै लौनाया गोनांथार। बेयो देहायाव जमा जानाय मैलाखौ बोखारो आरो देहाखौ डिटक्स खालामो। डिटक्स दै लौनाया लिभार आरो किडनीनि खामानिखौ साबसिन खालामो। आथिखालाव डिटक्स दै लौनायनि ट्रेन्डआ जोबोद गोखै जाबाय। बे दैया देहायाव जाम-जानाय मेजेमखौ बाडय खालामनो आरो हाइड्रेटेड थानायाव मदत खालामो। जुदि नोंथाड सानफ्रोमबो 8-10 गिलास दै लोडोब्लाबो नाथाय सप्टाहयाव खेबसे 1-2 ग्लास डिटक्स दै लौनांगौ। बेयो देहायाव जमा जानाय गासैबो मैलाखौ बोखारगोन। जेब्ला नोंथाड दैयाव माखासे उफ्रा बेसादफोर लोडो अब्ला बेखौ डिटक्स दै बुनाय जायो। बे रोखोमनि देया नोंथानि देहायाव जमा जानाय टक्सिनफोरखौ दिहुनायाव मदत खालामो। बेयो गोहोनि थाखोखौ साबसिन खालामो आरो लिभार थायखौ बाडइ खालामो। डक्टरफोरा खालामनायाव हेफाजाव होयो। डिटक्स दै लौनांगौ आओरैबायदि दै,



जायखौ थाजिम फिथाइ-सामथाइ, मैग-थाइगं एबा बिलाइ-लाइफां गलायनाने बानायनाय जायो। नोंथाड बेखौ फ्रुच इनफ्युज्ड दै एबा फिथाइनि सालाद दैबो बुंनो हायो। नोंथाड न'आव गोबां रोखोमै डिटक्स दै बानायनो हायो। डिटक्स दै बानायनो थाखाय नोंथाड नोंथानि मोजां मोन्या फिथाइ-सामथाइ, मैग-थाइगं आरो लायफां-बिलाइफोर खौ बाहायनो हायो। डिटक्स दै जेरै लेमन डिटक्स आरो मास्टर क्लिन्सआ डिटक्स दैआव बांसिन मुंदांखा। डिटक्स दैआ लिभार थायखौ हेफाजाव होयो, बेखौ लौनाया मेटाबलिज्मखौ बांहोयो आरो एसेल'केल'रीनि जाहोनाव बे दैखौ लौनाया मोदोम बांनयाखौ बाडइ खालामो। डक्टरफोरा गोबां समावनो बे रोखोमनि डिटक्स दै लौनांगौ आओरैबायदि दै,

जायो। बे रोखोमनि दैयाव सडा आओरै फिथाइ-सामथाइनि रोसिनिखुइ एसेल'केलरी थायो। लिभारखौ सम-सम डिटक्स खालामनांगौ। बेनि थाखाय, नोंथाड गुदु दै एबा हाल्देनि साहा लौनांगौ हायो। कारकुमिनखौ सोरांआव मोन्या जायो, जाय बुनायखौ बाडय खालामो आओरै लिभारखौ डिटक्स खालामनायाव मदत खालामो। बेनि अनगायैबो, आमलखनि रोसि, हायजें आओरै नारें लेबु दैआबो लिभार आओरै किडनीखौ डिटक्स खालामो। ग्रीन-टी आओरै करेलानि रोसिआबो लिभार आओरै किडनीनि खामानिखौ साबसिन खालामनो थाखाय मोजाडै खामानि मावो। नोंथाड बेफोर बेसादफोरनिफ्राय डिटक्स दै बानायनो हायो आओरै बेखौ लौनांगौ हायो।

## जेनिफार लपेज आओरै बेन एफ्लेकनि


### गोदान खौराड सोराडव फेदौं

हलिउडनि फावखुंगुरि आओरै दे'खो गिरि जेनिफार लपेजआ पिन खेबसेबाव गावनि पार्सनेल लाइफखौ लानानै सावरायनायाव थादौं। थानाय माखासे दाननिफ्रायनो बिथानि आओरै फावखुंगुर बेन एफ्लेकनि गावसालायनाय एबा दिभर्सनि खौरांआ सोराडव फेबाय थादौं। मख'नो गोनांदि, जुलिनि बोसोरनै उनावनो सानैजौं अरायसमनि थाखाय गावसालायसिगोन। अदेबानि बे जराया बे खौरांफोरनि सायाव सिरि थादौंमोन नाथाय इंग्रजि वेबसाइटआव सानफ्रोमबो जेनिफार आओरै बेनखौ लानानै गोदान गोदान खौरां सोराडव फेबाय थादौं। बे खेबाव मोनसे गोदान खौराड सोराडव फेदौं,

जेराव बुंनया जादौंदि, बेन एफ्लेक आओरै जेनिफार लपेजआ गावसिनि जुलिनि नैथि बोसोरारि सानआव बिसोर एलए काउन्ट सुपिरियर कर्टआव दिभर्स एबा गावसालायनायनि थाखाय आरजलाइ थिसन्दौं। रिपर्टनि बायदिब्ला, बे जरानि दिभर्सआ अफिशिएल 26 एप्रिलआव जाबायमोन। मिबथि होनाय एप्रिलआव बे जराया आसथाम सोलायदौंमोन। बेनि उनाव जुलाइआव लस भेगासआव जुलि जादौंमोन। नैथि जुलिआ मोनसे उनाव सानैजौं मोजां पांटी होनायजौं लोगोसे गावसिनि

सोमोन्दोखौबो अफिशियल खालामदौंमोन। मख'नो एन्थिनिजौं जादौंमोन। मार्कजौं बिथाड जावजा फिसाफोर दड,

जायनि मुंआनो जादौं, मेक्स आओरै एम्मि। गुबुन फार्सेथि, एफ्लेकआ लपेजजौं जुलि जानाय सिगां फावखुंगुरि जेनिफार गार्नरजौं जुलि जागोरदौंमोन। बे जराया सा 3 गथ'फोर दड आओरै बिसोरनि मुंआनो जादौं वायलेट, सेराफिना आओरै सेमुअल।



## 'रेस 4' सावथुननि थाखाय सावरायनाया सोलिगासिनो दं

रेस फ्रेंचाइजिया बलिउडनि बयनिखुइ साबसिन आओरै बयजौंबो बांसिन मोजां मोनजानाय सावथुनफोरनि गेजेराव मोनसे। दासिमबो बे सावथुननि मोन्थाम खोन्दोया फेखांबाय, जायनिफ्राय मोननैआव सेफ आलि खानआ लिड रलआव नुजाथिदौंमोन। अदेबानि रेस 3 आव सलमान खानआ नुजाथिदौंमोन नाथाय नायगिरिफोरा बिथांखौ जेबो जर'खा रिस्पन्स होयाखेमोन। बबेखानि दा सावथुननि नैथि खोन्दोखौ लानानै मोनसे गोदान आपडेटआ सोरांआव फेदौं। वेलकाम फ्रेंचाइजिआव जेरव फावखुंगुर अक्षय कुमारआ फेफिनसिगोन, थिक वेबायदिनो हाउसपुल फ्रेंचाइजियावबो अभिषेक बच्चनआ फेफिनबाय। लेटेस्ट आपडेटआ सेफ आलि

खाननि सोमोन्दै, जायखौ रेस 4 आव फिन खेब कास्ट खालामनो हागौं। सावथुननि टाइटेलआ दासिमबो रोखा जायाखै, नाथाय आथिखालनि थाखाय बेखौ रेस रिबुट मुं होनाय जादौं। बे फ्रेंचाइजिनि जागायनाया 2008 माइथायाव दिन्थिजानाय रेस सावथुननिफ्राय जादौंमोन। सावथुनाव सेफजौं लोगोसे फावखुंगुर अक्षय खाना आओरै अनिल कापुरआबो गाहाइ फावआव नुजाथिदौंमोन। बेनि उनाव 2013 माइथायाव रेस 2 सावथुनआ नुजाथिदौंमोन, जेराव सेफ आओरै अनिल कापुरखौ नुदौंमोन नाथाय अक्षयनि गिथायाव फावखुंगुर जन आब्राहामआसो एन्टि जादौं। बेनि उनाव 2018 माइथायाव रेस 3 सावथुनखौ मोनसे गोदान सल'जौं



लोगोसे फावखुंगुर सलमान खाननि बिहोमाजौं आवगायहोदौंमोन। बेयाव सलमानजौं लोगोसे बबी देअल आओरै साबिक सलमआ गाहाइ फाव दिन्थिदौंमोन। अदेबानि दा रेस 4 बानायनायनि सावरायनाया सोलिगासिनो आओरै बेयाव सेफ आलि खानखौ गाहाइ फाव खालामनाय नुनो हागौं

सावथुन मुल्गनि खौरांनि बायदिब्ला, रेस 4 खौ लानानै सावथुन बानायगिरि रमेश तौरानिआ गोबाव समनिफ्रायनो सावरायनाया सोलिगासिनो दं। सानैजौं लोगोसे फ्रेंचाइजिखौ आवगायहोगोन। सावथुन बानायगिरिया फेगौं बोसोरनि गिबि दाननिफ्रायनो बे सावथुननि शुटिखौ जागायनो हागौं।



# आमेरिकानि जारिमिनारि हादतगिरि जानो थांगासिनो कमला हेरिसआ होन्ना ज' बाइडेनआ बुंदों

# दिल्लीनि गं 6 फाहामसालियाव मांकि पक्सनि फाहामथाइ मोनगोन

शिकाग', 21 आगस्ट : आमेरिकायाव डेमोक्रेटिक पार्टीनि सानब्रैनि हाबाफारिजों खुंजानाय मे शनेल कन्भेन्सनआव शिकाग'आव सोलिगासिनो दड। कन्भेन्सनआव आमेरिकानि हादतगिरि ज' बाइडेनआव बुडोदि, बिथाडा डेमोक्रेटिक पार्टीनि बिबानखौ लेडाइ हादतगिरि कमला हेरिसनि आखायाव गथायना होबाय आरो बिथाडा आमेरिकानि जारिमिनारि हादतगिरि जागोन। सिगां फारसे आमेरिकान भटारफोरखौ फैगौ नभेम्बरआव जानो गोनां हादतगिरि बिसायख'याव डेमोक्रेटि बिजाथि कमला



हेरिसनो भट होनाइ सुबुंखान्थिखौ रेखा खालामनो बिथाडा खालायो। गुबुन फारसेथि कन्भेन्सन खुंनय जायगानि साखाथियाव दावहाखौ अजद होनाइ रेजा-रेजा धर्ना होग्राफोर पुलिसनि रेखाथि बेंखन एबा बेरिंकडखौ सिमफायना मार्च

बिखौ बरायो। बे समाव बाइडेनखौ इम'सनेल जानाय नुनो मोन्दों। बिथाडा पार्टीनि मावफारियाफोर आरो दैदेनगिरिफोरनि गोसो गुदुं दोहौनि गेजेराव बुडोदि, कमला हेरिसआ हादतनि 47 थि हादतगिरि महरे थाबेनो सायख'जागोन। बिथाडा ओरैबायदि हादतगिरि जागोन जायखौ गासै मुलुगआ अनसायगोन, मानोना बिथाडा सिगांनिफ्रायनो बै सन्मानखौ मोन्नो हादों। फारसेथि कन्भेन्सननि गिबि सानखालि बाहागो लानानै कमला हेरिसआ बयखौबो सोमोनाहों। बेयाव

बिथाडा बुडोदि, गाविन रेंग'थि आरो मोन्दांथिजों हादतनि इयुनिन थाखाय आमेरिकानि सुबुंफोरा खौसेथियै दड। आमेरिकानि फास्ट लेडी जिल बाइडेनआ बुडोदि, कमला हेरिसआ हादतनि गोदान इयुनखौ जौलैनो थुलुंगा होग्रा दैदेनगिरि। डेमोक्रेटिक पार्टीनि गागि दैदेनगिरि बारा' गुबुन हादतगिरि मन्थि हिलेरी क्लिंटनआबो कमलाखौ बाखायो। फारसेथि साभिस इमप्लाइ इन्टारनेशनल इडनियननि दैदेनगिरिफोरा हादतगिरि बिसायख'थियाव कमला हेरिसखौ मदत होदों। हेरिसनि जानानै बारा' हादतगिरि बरक अबामाया फोसावदि खालामदों। पाब्लिक भट सार्भेनिफ्राय मिबथिनो मोनोदि, हादतगिरि मासिखौ सामलायनो नागारनाया 8 बोसोर जालानायनि उनावबो हादतआव बयजोंबो बांसिनै अनसाइजानाय डेमोक्रेटफोरनि गेजेराव अबामाया सासे।

गोदान दिल्ली, 21 आगस्ट : दिल्लीयाव मांकि पक्सनि फाहामथाइनि थाखाय गं 6 फाहामसालिफोराव सुबिधा मोन्नो हागोन। बेयाव मिरु सरकारनि सिंआव सामलायजानाय एम्स, (सफदरजों), आर एमएलए फाहामसालि आरो दिल्ली सरकारनि लकनायक, जिटिबि आरो आम्बेकार फाहामसालियाबो दंफायो। दिल्ली सरकारनि सावस्त्रि बिफानआ गं 3 फाहामसालिफोरव आइसलेशन वार्ड बानायना गासै गं 40 बेट रिजाभयै दोन्नो बिथोन होदों। फारसेथि एम्सआ इमार्जेन्सियाव बेरामिफोरनि स्क्रौनिं आरो फाहामथाइनि थाखाय एसअपि फोसावो। लोगोसेनो फाहामसालिनि एबि-7 वार्ड 5 बेटखौ रिजाभं खालामदों, जेराव मांकि पक्सनि लोक्षोन मोन्नाय बेरामिफोरखौ थिसन्नाय जागोन। एम्सनि फारसेनिफ्राय



फोसावनाय एसअपियाव बुंनय जादोंदि, सफदरजं फाहामसालिखौ रेफारेल फाहामसालियाव बानायनाय जादों। नायबिजिनयाव मांकि पक्स पजिटिब मोनोब्ला बेरामिखौ सफदरजं फाहामसालिनि आइसलेशन वार्डआव ट्रेसफार हनाय जागोन। लकनायक फाहामसालियाव 20 बेट थागोन। बेयो नडेल फाहामसालि महरे खामानि मावगोन। बेनि अनगायै जिटिबि आरो आम्बेकार फाहामसालियाव 10-10 बेटनि आइसलेशन वार्ड बानायनो बिथोन होनाय जादों। सफदरजं फाहामसालिनि कम्प्युनिटि मेडिसिननि डायरेक्टर प्रफेसार डू जुगल किशरआ फोरमायदोंदि, बे बेरामआव थैनायनि हारआ जोबोद खम। डब्लिट अया 14 आगस्टआव मांकि पक्सखौ वलर्ड इमार्जेन्सि फोसावदोंमोन। सोलिफु बोसोराव दासिम दर 26 हादतफोर बेनि 934 केस मोनबाय। 2022 आव दर 116 हादतफोराव मांकि पक्सनि 99,176 केस मोन्दोंमोन आरो बे समाव मुलुगनाडै सा 208 सुबुंफोर थैदोंमोन। भारतआवबो 2022 आव बेनि 23 केस मोन्दोंमोन।

## इजराइल गाजानिफ्राय सा 6 जीबथेना लाखिजानायफोरनि गोथे सह'खौ बोखांदों



जेरुजालेम, 21 आगस्ट : गाजायाव दावहा दोन्थ'नो नाजानायफोरनि गेजेरजों थानाय मंगलबारखालि इजराइलनि सान्थिफोर आरोबाव सा 6 जीबथेना लाखिजानायफोरनि गोथे सह' बोखांदों। बेयो हामासनि गेजेरजों थानाय बोसोरनि 7 अक्टब'राव

इजराइलनि सायाव गाग्लोबनाय समाव जीबथेना लाखिजानाय सा 250 सुबुंफोरनि गेजेराव दंफायोमोन। बेनि उनाव इजराइलनि नायबिजिनफिन्यायजों गाजा दावहा जागायदोंमोन। हामासनि दासिमबो सा 109 दंबावो होन्ना गनायना लानाय जादों। बिसोरनि सोमोन्दै

इजराइलनि सान्थिफोर बुडोदि, बिसोरनि सान्थि हान्जाया खोला गाजायाव हरसे सालायनाय अपारेशनाव गोथे सह'फोरखौ बोखांदों आरो बिसोर माब्ला आरो माबोरै थैया बेनि सोमोन्दै जेबो मिबथिनो मोननाय जायखौ। इजराइल सान्थिफोर गोथे सह' बोखानायफोरखौ चेम

पेरी, मरम मेटजगर, अब्राहाम मुन्दर आलेक्जेडार डांसिग, नादब पपलवेल आरो यागेव बुचस्तेव मुडै सिनायथि होदों। मेटजगर, मुन्दर, पपलवेल आरो बुचस्तेव नख'रनि सुबुंफोरखौबो बेंखनना लाखिदोंमोन। नाथाय नभेम्बरनि दावहा दोन्थ'नायाव बिसोरखौ हगारना होदोंमोन। बेरा फारसे गाजायाव थानाय मंगलबारखालि इजराइलनि सान्थिफोरनि गाग्लोब नायाव सा 39 सुबुंफोर थैदों होन्ना रायटरफोर फोरमायदों। बिसोर स्कुलाव थाखोमानाय हामास उतखारिफोरनि सायाव गाग्लोबदों होन्ना इजराइलनि सान्थिफोर बुंदों। रायटरफोरनि बायदिब्ला, आमेरिका, मिरु आरो आर'बनि बे समाव गाजायाव दावहा दोन्थ'नाय रदाय खालामनायाव नांथाबना दड। फारसेथि इजराइल दावबायनायनि उनाव आमेरिकानि गुबुन हादतयारि मन्थि एन्टनी ब्लिंकनआ मंगलबार खालि मिरु सौहैयो।

## आइटि कम्पनीआव खामानि मावग्रा लाइमोनखौ हटेल रुमआव जिउ गैयै हालोदआव बोखांदों

बेंगलुरु, 21 आगस्ट : बेंगलुरुआव थानाय गंसे आइटि कम्पनीआव साखि मावग्रा 24 बोसोरनि सेप्टेम्बर प्रफेसनेलआ मंगलबारखालि हटेलआव हिलियाम गेस मोनामसुनानै सुइसाइड खालामना लायो। जिउ गोमानाय सुबुंखौ हसन जिल्लानि सकलेशपुरनि थागिबि यागिनक मुडै सिनायथि होदों। बे जाथाया इलेक्ट्रिक सिटिनि निलद्री नोगोराव सोमजिदों। पुलिसनि बादिब्ला, यागिनकआ 16 आगस्टआव हटेलआव फेदोंमोन आरो बियो बेलुनफोराव बाहायजाग्रा हिलियाम गेसखौ मोनामसुनानै गाविन जिउखौ फोजोबनानै



लायो। यागिनकआ मोनसे मुंदंखा कम्पनीआव खामानि मावोमोन आरो बियो माखासे दानफोरनि थाखाय वकं फ्रम हम खामानि मावनायनि अप्सनखौ सायख'दोंमोन। बियो एमटेकनि आन्जाद होनो थाखाय बेंगलुरुआव फेदोंमोन आरो गाविन मुंजों गंसे हटेलआव रुम

लाबोदोंमोन। बेनि उनाव बियो हिलियाम गेस मोनामसुनानै सुइसाइड खालामना लायो। जिउ गोमानायनि उनाव यागिनकनि गोथे सहखौ पस्ट मटेमनि थाखाय सेन्ट जन्स देहा फाहामसालिआव लानाय जायो। डिस्सिपि सारा फातिमाआ फोरमायनाय बादिब्ला, हटेलनि मावसुमाफोरा सफ्टवेर प्रफेसनेलखौ बिनि खथा सिडव जिउ गोमानाय थासारिआव बोखांनो मोनो। 12.00 रिगासिम रुमनिफ्राय बाइजोआव ओंखारैआव हटेलनि मावसुमाफोरा दरजाखौ खुलियो आरो बिखौ जिउ गैयै थासारिआव बोखांनो मोनो होन्नाइ सुलुडव मिथिहोदों।

## आफ्रिकान स्वाइ फिभारजों मिज 'रामनि अमा उद्यगआ 800 कौटि ख'हा जानांदों

आइजल, 21 आगस्ट : 2021 निफ्राय आफ्रिकान स्वाइन फिभार (एसएफ) नि गोहोमजों मिज 'रामनि अमा फिसिनाय उद्यगआ 800 कौटि रानि रंखान्थियारि ख'हा जानांदों। मिज 'रामनि जुनात फिसिनाय आरो जुनात फाहामथाइ मन्थि सि लालसाभिभुंगाया मोनसे सौंथिनि लिनानै होनाय फिन्यायाव मंगलबारव बुडोदि, एसएफनि गोहोमजों मा 57,217 अमाफोर थैदों। फारसेथि 2021 मार्चनिफ्राय थानाय 15 आगस्टनि गेजेराव बे बेराम गोसारनायखौ होबथानो थाखाय गुबुन मा 43,159 अमाफोरखौ बुथारदोंमोन। बे समाव अखा फिसिग्राफोर गासै 799.68 कौटि रं ख'हा जानाडो। अदेबानि सोलिफु बोसोराव जानुवारीनिफ्राय 15 आगस्टनि गेजेराव स्वाइन फिभारजों मा 9,866 अमाफोर थैयो आरो मा



17,977 खौ बुथारनाय जायो, जेराव 239.45 कौटि रं ख'हा जानाडो। मिज 'रामनि गिबि मन्थिया बेखौबो बुडोदि, राइज्यो सरकार स्वाइन फ्लुनि गोहोमजों जुजिनो थाखाय गुबुन-गुबुन फारागआव मिरु सरकारनिफ्राय रंखान्थियारि मदत मोन्दों। बे नाजानायफोरनि उनावबो एसएफआ मोनसे मख'जाथाव खौफोद जानानै दड, जायनि जाहोनाव मिज 'राम सरकार बे बोसोराव 1 जानुवारी खालि स्वाइन फ्लुखौ राइज्योनि

इमार्जेन्सि फोसावना होयो। बेनि गोहोमखौ होबथानो थाखाय मिज 'राम सरकार मे दानआव न'सुंसे राइज्योफोर आरो हादतफोरजों अमा आरो अमा बेदर दिहुन्थाइफोरनि इन्प्टखौ आबुडै होबथादों। बेनि गेजेराव राइज्योनि डिमान्दखौ सुफुनारनि थाखाय गावयारि एजेन्सिफोरा पुणे, महाराष्ट्रनिफ्राय अमा बेदर दिहुन्थाइखौ लाबोनाय जादों, जाय मोनफ्रोम दानाव एभारेस्ट 4 लाख किल 'ग्रामनि बांसिन पर्क एबा अमा बेदर जगायो।

## बदलापुरनि हिंसायारि धर्ना खालामनायनि सा 300 नि हेंथायै एफआइआर थिसनबाय

ठाणे, 21 आगस्ट : महाराष्ट्रनि ठाणे जिल्लयाव थानाय बदलापुरनि गंसे फरायसालियाव सानै हिन्जावसाफोरखौ आधोनारि अनागार खालामनायनि केसआ सोराडाव फेनायनि उनाव मंगलबाराव सुबुंफोरा खुदिसारो। गथ'फोरनि दिथागिरिफोरा फरायसालि मोखाडव थुबुर जाफेना बैयाव बुफाय-बुसि खालामो आरो अन्थाइ खुबैयो। दिथागिरिफोरा सरसन्खा सुबुंफोरनिबो मदद मोन्दों आरो दसे समावनो फरायसालि मोखाडव गोबां सुबुंफोर थुबुर जायो। बिसोरो बदलापुर रेलवे स्टेशन फारसे



थाडो आरो बैयाव रेलवे ट्रेकआव धर्ना खालामो। गोबाव घन्टा बेयाव धर्ना खालामनायजों

लकेल आरो माखासे एक्सप्रेस ट्रेनफोरनि खारलांनाया होबथाजायो। हेंथा धर्ना आरो

बुफाय-बुसि खालामनाय केसआव महाराष्ट्र पुलिसा दिने 21 आगस्टआव गोखों एक्सन

लायो आरो सा 300 नि हेंथायै एफआइआर थिसनो। फारसेथि पुलिसआ सा 40 नि बांसिन सुबुंफोरखौ हमो। बदलापुराव थासारिखौ सामलायनो थाखाय इन्टारनेट सिबिथाइखौ बन्द' खालामना होयो गलाफोरखौबो बन्द' खालामनो बिथोन होयो। बबेखानि रेलवे पुलिसनि डिआरपि डिस्सिपि मनज पाटिलआ थासारिया सामलाय जाबाय होन्ना बुडो। महाराष्ट्रनि लेडाइ गिबि मन्थि फ इन्विआ उन्दै गथ'फोरखौ जिनाहारि खालामनाय केसखौ सोंखारिदों आरो बेखौ नायबिजिनो एसआइटी हान्जा दाबाय होन्ना मिबथिहोयो।

## रियेल एस्टेट कम्पनीया हाउसिं प्रजेक्टफोरनि सायाव 900 कौटि रंसिम इन्भेस्टमेन्ट खालामगोन

गोदान दिल्ली, 21 आगस्ट : मुंदांखा रियेल एस्टेट कम्पनी किस्टन रियेलटर्सआ सोलिफु रंखान्थि बोसोर 2024-25 आव हाउसिं प्रजेक्टफोर बानायनायनि सायाव गावसोरनि इन्भेस्टमेन्टखौ बांहोनाइ 800 निफ्राय 900 कौटि रा खालामगोन। बे दिहुन्थाइ गोहोफोरखौ बांहोनायनि थाखाय कम्पनीनि

स्ट्रेटजिनो मोनसे बाहागो। कम्पनीनि चेयारमेन आरो मेनेजिं डायरेक्टर (सिएमडि) बमन रुस्तम इरानीया मोनसे इन्टारव्युआव बुडोदि, कम्पनीया गाविन बिजनेसखौ बांहोना थाखाय सोलिफु रंखान्थि बोसोराव कन्स्ट्रक्शन आरो हा बायनायनि सायाव गोबां इन्भेस्टमेन्ट खालामगोन। सुलुंनि बायदिब्ला, बमन रुस्तम

इरानीया रियेल एस्टेट सेक्टरनि टप फसंथान फ्रे डायनि आफादिगिरिबो। कीस्टन रियेलटर्सनि सिएमडिया बुनाय बायदिब्ला, बिसोर सोलिफु रंखान्थि बोसोराव कन्स्ट्रक्शननि सायाव 800-900 कौटि रं इन्भेस्ट खालामदोंमोन। इरानीया बुडोदि, कम्पनीयाव गथ इन्भेस्टमेन्टनि थाखाय गासै

3,000 कौटि रानि उफ्रा रंखान्थि दड। हाइसिं मार्केटआव दासिमबो गोबां डिमान्द दड। बेनिखायनो कम्पनीया सोलिफु रंखान्थि बोसोराव गाविन सेल्स बकिं आव 32 जौखोन्दो बांनायजों लोगोसे 3,000 कौटि रंसिम सौहैनायनि थाखि लादों। बिथाड बे अन्जमाखौ कम्पनीया बारगोन होन्ना मिजिथिनाय फोरमायदों।

## पाकिस्ताननिफ्राय इराकआव थांबाय थानाय बासआ इरानआव जाब्रबथाय जानायजों सा 28 दावबायारिफोरनि जिउ खहा

तेहरान, 21 आगस्ट: शिया जायरिनफोरखौ पाकिस्ताननिफ्राय इराकआव लानानै थांबाय थानाय गंसे बासआ मंगलबारखालि हर गेजेराव इयनआव जाब्रबथाय जायो। बिबानगिरिफोर बे जाब्रबथायाव बासआव गाखोनाय खमैब्लाबो सा 28 जायरिनफोर थैनाय आरो सा 23 गुबुनफोरा जोखोम जानायनि खौरंखौ बुधबारखालि होयो। इराननि सरकारि खौरं एजेन्सि आइआरएनएआ जायगानि इमार्जेन्सि सिबिथायनि बिबानगिरि महम्मद आलि मालकजादेहनि गथायनाय खौरंजों फोरमायदों, बे जाथाया मंगलबारखालि हर गेजेराव गेजेर इराननि यान्द ओन्सोलाव जायो। मालकजादेहनि बायदिब्ला, जाब्रबथायाव सा 23 जायरिनफोरा जोखोम जायो। बिबानगिरिआ फोरमायनाय बायदिब्ला, जाब्रबथाय जानाय समाव बासआव गासै सा 51 सुबुंफोरा गाखोदोंमोन। सुलुडव फोरमायनाय बायदिब्ला, पाकिस्तानाव गोबां अर्नजिमानि शियाफोर दड। शिया जायरिनआ इराक थानो थाखाय इराननि लामाखौ सायख'दों। इमाम हुसेन



मुख्लं जानायनि 40 थि सानखौ गोसो खानानै जानो गोनां हाबाफारियाव अरबनयाव बोसोरफोमबो लाख लाख शियाफोर थाडो। बे जाथाया इराननि लामानि रेखाथिखौ लानानै सौंथि दिखदों। बे हादतआव लामानि जाब्रबथायाव बोसोरफोमबो एभारेस्टयै 17,000 सुबुंफोर थैयो।



## आर्जेन्टिनानि स्टार फुटबलार नर्बर्टआ पान्जाब एफसि हान्जाजों मुंसाइबाय

गोदान दिल्ली, 21 आगस्ट: इन्डियन सुपर लीगनि क्लाब पान्जाब एफसिआ 2024-25 सिजननि थाखाय 5 थि गुबुन हादरयारि गेलेगिरि महरै आर्जेन्टिनानि मिडफिल्डर नर्बर्ट एजिक्विल भिडालजों लोगोसे सोमोन्दो खानायखी फोसावदों। आर्जेन्टिनानि फुटबलार नर्बर्टआ बेनि सिगां इन्डेन्सियानि मुंदांखा हान्जा पर्सिटा टेंगंजों गेलेदोमोन। आर्जेन्टिनानि बाहिया ब्लेन्काआव जोनोम मोन्नाय 29 बोसोरनि एजिक्विलआ सरासन्नायै मिडफिल्डर एबा उइंगार महरै फोथारआव ओंखारो। 2011 आब गावनि फुटबल प्रफेसनलआव ओंखारनाय एजिक्विलआ गावनि ओन्सोलारि जायगानि क्लाब अलिम्पजों गेलेनायखी जागायदोमोन। बे क्लाबजों 8 बोसोर सम हगारनाय समाव बिथाड 45 गल सोनो हादोमोन। 2022 आब इन्डेन्सियानि क्लाबजों रदाइआव फेनायनफ्राय लानानै बिथाड खेब 60 मेचफोरव 17 गल सोनो हादो। इन्डियन सुपर लीग 2024-25 नि सिजनआ फेगो 13 सेप्टेम्बरनिफ्राय जागायगोन। आइएसएल 2024-25 नि सिजनआ भारतनि मुंदांखा फुटबल लीगनि 11 थि सिजन जागोन। जेराव मोन 13 हान्जाफोरा



सेलेन्जआव ओंखारगोन। जेराव बेफोर हान्जाया मोननै बिमुं फारियै आइएसएल शील्ड आरु आइएसएल कापनि थाखाय सेलेन्ज होन्लायगोन। जायनि फारिआव लीग सिजननि जोबनायव टपआव जायगा मोनाय हान्जाया शील्डखी मोनगोन आरु लीगआव टपआव जायगा आवग्रिनाय हान्जाया एफसि सेम्पियन्स लीगआवबो जायगा आवग्रिगोन। शील्डखी गिबि खेब 2019-20 आब होजेन्नाय जादोमोन। लीगनि जोबनायव टप-6 आब फेनो हानाय हान्जाफोरा आइएसएल कापनि थाखाय बादायलायो। जायनि फारिआव टप-2 हान्जाफोरा थोंजोडै सेमिफाइनलाव सौहैयो आरु आद्रा मोनब्रै हान्जाफोरा सेमिफाइनलनि थाखाय प्लेअफआन बादायलायो।

## आइसिसि रेंकिंआव भारतनि साथाम गेलेगिरिआ टप-5 आब

गोदान दिल्ली, 21 आगस्ट: आइसिसि रेंकिंआव भारतीय हान्जानि गेलेगिरिफोरा मिजिंथि बादियै आवगायनो हादों। थानाय सप्ताहआव भारतीय गेलेगिरिफोरा फ्राय मेचखीनो गेलेयाखे बुंजायो। अब्बाबो बेनि उनाव आइसिसिनिफ्राय फोसावनाय गोदान रेंकिंआव गेलेगिरिफोरा मुलाम्फा मोन्दों। वन्डेनि बेटसमेनफोरनि रेंकिंआव भारतनि माखासे स्टार गेलेगिरिफोरा गावसोरनि मासिखीनो लाफिनो हादों। जेराव टप 5 बेटसमेनफोरनि फारिआव साथाम भारतीय गेलेगिरिफोरा जायगा आवग्रिनो हादों। आइसिसिनिफ्राय फोसावनाय वन्डेनि गोदान रेंकिंआव



पाकिस्ताननि बाबर आजमआनो गिबि मासिआव जायगा मोन्दों। सोलिफु समाव बिथानि रेटिआ 824 जानानै दड। बिथाड थानाय 8 दाननिफ्रायनो मोनबो वन्डे मेच गेलेयाखेबो गिबि मासियावनो जायगा मोन्दों। नाथाय बेनि उनाव लान्थियै मोन 3 मासिआव भारतनि

गेलेगिरिफोरा जायगा मोन्दों। भारतीय हान्जानि केप्टेन रहित शर्माआ बे फारिआव 767 रेटि

पइन्डजों नैथि मासिआव सौहैदों। आजमखी गाखलायनोब्ला रहितनो वन्डे मेचआव आरुआव गिदिर इनिं सनि मेच गेलेनांगो जाबवगोन। थामथि नम्बरआव शुभमन गीलआ 763 रेटिजों जायगा मोन्दों। नाथाय रहित आरु शुभमननि रेटिआव माखासे फारागथिल 'नुनो मोनो। बेबादि थासारिआव बिसोर सानैनि गेजेराव उन-सिगां जालायगोनखी नुहरो। बेनि उनाव बायग' केप्टेन थिराट कहलीआ ब्रैथि मासिआव 746

रेटिजों जायगा मोनायनि उनाव आयारलेन्डनि हेरि टेक्टरआबो बिथानजों समान रेटिआव कहलीजों जुथायै बे मासिआव जायगा आवग्रिदों। मख 'नो गोनादि, भारतीय हान्जाया दासिमाव मोनबो वन्डे मेच गेलेयाखे। आइसिसि रेंकिंनि टप-10 नि फारिआव नोजोर होयोब्ला बांद्राय सोलाय-सोल' जानायखी नुनो मोनाखे। सोलिफु समाव गोबों हान्जाफोरनो टेटर आरु टी-20 मेचनि सायाव नोजोर होनानै दड।

## निरज चप्राआ डाइमन्ड लीगआव माखासे गेलेगिरिफोरनिफ्राय सेलेन्ज मोन्दों

गोदान दिल्ली, 21 आगस्ट: भारतनि गलन्डेन बय निरज चप्राआ पेरिस अलिम्पिकआव सिलभार मेडेल देरहानायनि उनाव लुशाने डाइमन्ड लीगआव बाहागो लानो जान्जि थाखाय बादायलायो। निरजनि थाखाय बे इभेन्टआ सोलिफु बोसोरनि गेजेराव नैथि डाइमन्ड लीग मीट जागोन। बेनि सिगां निरजआ बे सिजनआव दहाआव जानाय डाइमन्ड लीगआव बाहागो लादोंमोन। नाथाय जान्जिआव



जोखोमनि थाखाय गुबुन इभेन्टफोरनिफ्राय जानगारआव थाबोदों। निरजआ पेरिस गेम्सआव 89.45 मितार जान्थायजों सिलभार मेडेल देरहादोंमोन। बे गेम्सआव जान्जिनि जोखोमआ निरजनि दिन्थिफुनायाव गोहोम होदोंब्लाबो गावनि नाजानायजों बिथाडा सिलभारआव मुं लाखिदों। सोलिफु समाव निरजआ लुशाने डाइमन्ड लीगनि थाखाय थियारि जागसिनो। बे खेबआव लुशाने आवबो निरजआ माखासे बादायारिफोरजों सेलेन्जआव ओंखारनागोन। मानोना बे इभेन्टआव सोलिफु वर्ल्ड सेम्पियन एन्डरसन पिदर्स, टकिय अलिम्पिकनि सिलभार मेजेलिस्ट जेकब वडलेज आरु गुबुन मुंदांखा गेलेगिरिफोरबो बाहागो लागोन। नाथाय पाकिस्ताननि अर्शद नदीमआ बे इभेन्टआव बाहागो लानाय नड। बेबादि थासारिआव निरजआ खेबसे आरुआव बिमुं देरहानो खाबु मोन्दों। मानोना नदीमआ पेरिस अलिम्पिकआव 92.97 मितार जान्थायजों निरजखी गाखलायदोंमोन। निरजआ फोरमायनाय बादिब्ला, अलिम्पिकनि उनावनो गावनि

जोखोमखी सार्जारी खालामजानो गोनांमोन। नाथाय इभेन्टफोरनि थाखाय गावनि बे सार्जारी खालामजानांगीखी सिजननि जोबनाय समर्थ थिरांथा लादों। बे बाथानिफ्राय रोखा जायोदि, निरजआ लुशाने डाइमन्ड लीगनि थाखाय आबुडै नो थियारि जादों आरु जोखोमनि जाउनवबो नदीमनि बाहागो लायै आव खाबु लानो नाजागोन। लुशाने डाइमन्ड लीगआव चप्राआ 23 आगस्टखालि सान्जौफुनि 12.22 रिंगायव दिन्थिफुगोन।

## मन्चेस्टार इउनाइटेडनि बाग' गेलेगिरिआ रनाल्डनि बाहागो जागोनखी रोखा खालामदों

मन्चेस्टार, 21 आगस्ट: सौदि सुपर कापनि फाइनलआव अल हिलालजों जेन्नायनि उनाव क्रिस्टियान रनाल्डनि हान्जा अल नासेरआ पइन्टनि फारिआव नैथि मासिआव थानायजों गोजोननादों। नाथाय बे समाव रनाल्डखी रनासआप जानाय महरै गोजोननाय नुनो मोनाखे। बेबादि समावनो रनाल्डनि गुबुन मोनसे क्लबजों सोमोन्दो फेनाया सोराडव फेदों। खौरनि बादिब्ला, पुर्तुगालनि स्टार रनाल्डआ मन्चेस्टार इउनाइटेडआव फेफिन्ना हासिगो। जेराव बे क्लबनि गेजेराजोंनो रनाल्डनि गेलेनाया जागायदोंमोन। रनाल्डनि बाग' मन्चेस्टार इउनाइटेड हान्जानि लोगो गेलेगिरि लुइस साहाआ बे खौरनि सायाव रोखा खालामदों। बिथानि बादिब्ला, पुर्तुगालनि स्टारिकार रनाल्डखी कच एबा मेनेजारआबो अलड ट्रेफर्डआव फेफिनजानो लुबैनायनि सायाव फोरमायदों। लुइसआ फोरमायनाय बादिब्ला, रनाल्डनि गोसोआव सानसे समाव मन्चेस्टार इउनाइटेडआव फेफिन्नाय सान्थीआ दासिमावबो गोथाडै डेरा जेराव रनाल्डआ कच एबा मेनेजार महरै इउनाइटेड क्लबआव



फेनोबो हागो। नाथाय रनाल्डनि नासेरजों रदाइआ दासिमावबो जोबनानै फेयाखे। बेबादि थासारिआव फेगो माखासे सानफोरनि गेजेराव गोदान टुइस्ट फेगोनखो नुहरो। रनाल्डआ गिबि खेब 2003 आब स्पॉर्टि सिपिनिफ्राय मन्चेस्टार इउनाइटेडआव हाबदोंमोन। 2021 आब बाहागो जाफिन्नायनि सिगां 2009 आब रनाल्डआ माद्रिदिनि हान्जायाव दडमोन। बेनि उनाव फिन जुभेन्टासनि गेलेनायनि उनाव बिथाड इउनाइटेडनि हान्जायाव फेफिन्नादोंमोन। नाथाय इउनाइटेड क्लबआव बिथानि नैथि रदाइआ मोजं थासारिजों बारलाडखे। जाउनव 2022 आब क्लबखी नागारनानै रनाल्डआ सौदि आरबनि क्लब अल नासेरआव

जइन्ट जाहैनादों। रनाल्डआ सोलिफु समाव मेनेजार एबा कच जानाय बैसोआव आगान होबाय। जाउनव सोलिफु कच लुइस साहाआ रनाल्डजों बे खेबआव गुबुन रोखोमै सावरायनो लुबैदों। बिथानि बादिब्ला, सासे कच जायोब्ला गेलेगिरिआ हान्जायाव गुबुन जर'खा नोजोरजों गेलेगिरिफोरखी दैदेंनांगो जायो। जाउनव रनाल्डआबो बे रिंगथिखी सोल्लानानै लानांगोन। बेबादि हाबा मावनोब्ला रनाल्डआ फाराफोरथिबो क्लबनि जानानै जेनाफोरखी नोजोर लाखिनादों। रनाल्डआ बे खेबआव फेगो बृहस्पतिवारखालि प्र:लीगआव नासेरनि जानानै अल राएदिन हें'थायै सेलेन्जआव ओंखारगोन।

## टेनिस प्रिमियार लीगनि 6 थि सिजनआव नागल-ह्युग' गेस्टनआ बाहागो लागोन



गोदान दिल्ली, 21 आगस्ट: भारतनि मुंदांखा टेनिस गेलेगिरि सुमित नागल आरु फ्रान्सनि ह्युग' गेस्टनआ मुम्बाइआव फेगो 3-8 डिसेम्बरनि गेजेराव खुंजागो गोनां 6 थि टेनिस प्रिमियार लीगआव हौवाफोरनि केटेगिआव बाहागो लागोन। क्रिकेट क्लब अफ इन्डिया (सिसिआइ) आब खुंजागो गोनां बे टुर्नामेन्टआव मुलुगनि 41 थि नम्बरनि बादायारि पलेन्डनि

मेग्डा लिनेट आरु आर्मेनियानि मुलुगनि 52 थि नम्बरनि गेलेगिरि एलिना एभाने स्यानआ आइजोफोरनि केटेगिआव टप गेलेगिरि महरै सेलेन्जआव थागोन। बे टुर्नामेन्टआ 25 पइन्ट फर्मेटआव खुंजागोन। जेराव मोनफ्रोम फ्रेंचाइजी हान्जाया सेमिफाइनलाव जायगा आवग्रिनो थाखाय खेब 5 मेचआव सेलेन्ज होनांगोन। मोननै

फ्रेंचाइजीनि गेजेराव जानो गोनां बादायनायाव हौवाफोरनि सिंगेल, आइजोफोरनि सिंगेल, मिक्स डबल आरु हौवाफोरनि डबल मेच थागोन। जेराव 100 पइन्टनि थाखाय सेलेन्ज सोलिगोन। मोनफ्रोम केटेगिनि मेचआ 25 पइन्टनि जागोन। बेनि सायाव खुंफुं'ग्रा आफादआ थानाय साननैसोनि सिगांनो मोनफ्रोम हान्जाया लीग स्टेजआव 500 पइन्ट (100 पइन्ट x 5 बादायनाय) नि थाखाय गेलेगोन आरु पइन्टनि फारिआव टप 4 आब जायगा मोन्नाय हान्जाफोरा सेमिफाइनलनि थाखाय क्वालिफाइ जागोन। बे इभेन्टआव मोन 7 फ्रेंचाइजीफोर फारियै पिबिजि पुने जेगुआर्स, बंगेल उइजार्टस, पान्जाब पेट्रियडस, हाइड्राबद स्ट्राइकर्स, गुजराट पेन्टार्स, मुम्बाइ लियन आर्मि आरु बायग' सेम्पियन बेंगालुरु एसजि पाइपास आ बिमुंनि थाखाय सेलेन्जआव थागोन।

## फेभियान हार्जेलरआ प्रिमियार लीगनि जारिमिनआव लाइमोनसिन मेनेजार महरै मुंदांखा गेलेगिरिफोरखी कचिं होगासिनो

बार्लिन, 21 आगस्ट: जार्मनि कच फेभियान हार्जेलरआ कचिं स्टाइलनि अनगायै लाइमोन बैसोनि थाखायसो बांसिनै खौरफोरनि हेडलाइनआव जायगा मोन्नाय दड। 31 बोसोर 173 साननि फेभियानआ प्रिमियार लीगनि जारिमिनआव बयनिखुइबो लाइमोनसिन मेनेजार महरै ब्राइटन क्लबखी कचिं होगासिनो दड। बिथाड इलेन्डनि टप फुटबल लीगनि गिबिसिन एरेबादि मेनेजार, जाय जायगायावनो जोनोम मोन्नाय मेनेजार जानो हादों। प्रिमियार लीगआ 1992 निफ्राय जागायदों। जेराव फेभियानआ बे लीगनि उनावसो 1993 नि 26 फेब्रुवारिआव जोनोम मोन्दों।




गावनि हान्जा ब्राइटननि मिडफिल्डर जेम्स मिलनेरआबो बिथानिफ्राय 7 बोसोर देरसिन महरै कचिं लानानै दड। फेभियाननि कचिंआवनो ब्राइटनआ इबार्टनखी गावसोरनि नख'रारि फोथारआव 3-0

गलआव फेजेनखोंबाय। फेभियानआ जार्मनिन सेकेन्ड टियार लीगनिबो लाइमोनसिन कचमोन। बिथाड 2022 आब 29 बोसोर बैसोआव सेन्ट कलीनि गेजेरजों बिचानआव थिसनजादोंमोन। बै समाव बिथाड


क्लाबखी रेलिगेसन जननिफ्राय बाइजोआव लाबोदोंमोन आरु थानाय सिजनआव जार्मनिन टप टियार लीग बुन्डेस लीगआव प्रमसन लाबोने हादों। बेनि उनाव ब्राइटननि बिगोमा टनी ब्लुमआ बिथानि सायाव नोजोर होदोंमोन। आमेरिकानि ह्युस्टनआव डेन्टिस्ट बिमा-बिफानि न'आव जोनोम मोन्नाय फेभियाननि बिफाया सुइस आरु बिमाया जार्मनी फोलेरनि। जेब्ला फेभियानआ 2 बोसोर जादोंमोन अब्बा बिथानि नख'रआ जार्मनिनसि थॉफिन्नादोंमोन। जाउनव फेभियानआ मिडनिकआवनो गेदेर-गोलाव जादोंमोन आरु 10 बोसोर बैसोआवनो ब्रायन एकाडेमीआव जइन्ट जादोंमोन। नाथाय बेनि उनाव बिथाड 10 बोसोर समाव नाजादोंब्लाबो प्रफेसनल फुटबलार जाहैनो हायाखे। बेनि उनाव 23 बोसोर बैसोआव फेभियानआ मेनेजेन्टआव आगान होजेदों आरु 5 थि डिभिजन क्लब एफसि पिपिनस्रीडआव गेलेगिरि-कच महरै जइन्ट जादों। फेभियानआ फोरमायनाय बादिब्ला, गावनि कचिंआव गोबां देरसिन गेलेगिरिफोरबो बाहागो जानानै दड। बिथाड 2023 आब 30 बोसोर बैसोआवनो गावनि इउएफा प्र: लाइसेन्सखी मोन्दोंमोन। फेभियानआ कचिंआव उरुवेनि मार्शल' बिल्ला आरु मन्चेस्टार सिटिनि पेप गार्डियलखी गावनि थुलुगनि गुरु मानियो।

## भारतनि रैनक दहियाआ वर्ल्ड रेसलिं सेम्पियनसिपआव मेडेल देरहादों




गोदान दिल्ली, 21 आगस्ट: भारतनि मुंदांखा रेसलार रैनक दहियाआ आन्डार-17 वर्ल्ड रेसलिं सेम्पियनसिपआव मोजाडै दिन्थिफुं'दों। बिथाड सेमिफाइनलाव हॉंगेरनि सिलभार मेडेलिस्ट जेल्डन कजाक नि हेंथायै 110 कि:ग्रा: ग्रिक' रमन केटेगिआव जेन्नानै सिलभार मेडेलजोंनो गोजोननादों। ब्रन्ज मेडेलनि प्लेअफआव रैनकआ तुर्कीनि इमरुल्लाह केपकनखी गोलेथेनो 6-1 स्करआव फेजेदों। बिथानि मेडेलआ भारतनि

थाखाय बे टुर्नामेन्टआव गिबियै मेडेल देरहानाय। बिथाड सोलिफु समाव गावनि बैसोयारि लिरथयारि केटेगिआव मुलुगनाडै नैथि मासिआव दड। बेनि सिगां सेमिफाइनलाव रैनकआ हॉंगेरनि जेल्डन सेलेन्जखी बारनायाव फेल्ले जादों। बे केटेगिआव इउक्रेनि इभान यानकभस्कोआ सनानि मेडेल देरहादों। जेराव बिथाड गावनि आदोबजों बेरेखा बादायारि कजाक खी 13-4 स्करआव फेजेदों। भारतनिफ्राय जुदि साइनाथ पारशीआ खेबनै मेचआव देरहायोमोनब्ला भारतनिसिम 51 कि:ग्रा: रेपेचेजआव नैथि मेडेल देरहानायनि खाबु फेगोन। बिथाड बेनि सिगां आमेरिकानि बादायारि खिमिनिक माइकेल मुनारेट नि हेंथायै गोखोडै गसंथादोंमोन। जुदि बे बादायनायाव बिथाड देरहायोब्ला रेपेचेजनि थाखाय सौहैनानै ब्रन्ज मेडेलनि थाखाय आर्मेनियानि सागिस हारुत्यन आरु जर्जियानि इरि चेपिडेचनि गेजेराव बादायनो गोनां देरहागिरिनि सेलेन्जआव ओंखारगोन।



आसाम सरकार

### हारिमुवारि नायसं बिफाननि बान्जायनायाव



## अराय सोमखोर मेथाइ सोरजिगिरि गोमानाय देंखोगिरिमानिजाथाव श्री रमेन बरुवानिसिम बिथानि मोजोमसे देंखोजों गिदिं बोफिन्ना खालायबाय

सम: मोनाबिलि 6:30 रिंगा  
अक्ट: 22 आगस्ट, 2024

थावनि: श्री श्री माधबदेव मुलुगनाडारि सावराय न'ब्लां, पान्जाबारि, गुवाहाटी

हाबाफारियाव राइजो-राजाफोरनि नुजाथिनायखी मिजिंथिवाय।

बिथोनगिरि  
हारिमुवारि नायसं बिफान, आसाम

फोरमाइयाव आरु सुवुं फोनांजव बिथोनगिरि मावव', आसामजों फोसाव जानाय  
Connect with us @diprassam dipr.assam.gov.in

आसाम वार्ता सावरकाइव खालामनो 7636834943 आब Assam लिखाने ह्यवाटएप खालाम